

Meje Po Carte Copiya Tatina Pablo Corinto Tomarapiwi Tatinatsi

Meje poxonae Pablo tatina Corinto tomarapiwi

¹ Xan, Pablon, pacata tinatsi Nacom peichichipaexae xua tana newabiwa xua tana neexanaewa Jesucristo pia peitorobi jiwi jiwana tatsin. Irano Sóstenes pon iru pejume cowantsin Jesucristo, baponbe panbe pacata tinatsi. ² Paxam pomonae painya nejume cowantsi jiwi pam Corinto tomaratha. Barapomonae pam pacata tinatsi pomonae Nacom piamonae tatsi pam painya neyawa jinompaexae Cristo Jesús. Nacom paca waba painya nenajuntu coyene wuna exanaenexa Nacomtha. Pacata tinatsi daxita nacuapiwi pam, pomonae iru painya nejume cowantsiwixae pam Jesucristo, xua pomonae painya newun ununeibiwi Jesús pewun poxonae pawunqueibame Nacomtha. Bapon Jesucristo Wanacanamataxeinaein iruru daxita nacuanthapiwi pomonae pejume cowantsiwi barapomonae pia Pecanamataxeinaeinchi tatsi. ³ Barabu Nacom Waxa, iru Jesucristo pon jiwi Pecanamataxeinaein junte ma jinompa paca exanaena. Matautano barabu baponbe paca yawenaena pia paca necaantobewaxae.

Meje poxonae Pablo tawuca Nacomtha Corinto tomarapiwi

⁴ Daxita matabi tsaibi Nacomtha pacata tsipaebatsi, jan tsaibin: “Nacom maisa juntu coyene weiweinan xua barapomona tana neyawenaewa xua Cristo Jesús peantobexae barapomonaetha”, jan tsaibin. ⁵ Painya neyawa muxuna jinompaexae Cristo, daxota Nacom peayapuswa jopa juniya paca catsiyo xua xaniwaicha painya nepaebiwa pejume diwesi. Barapon Nacom paca cata po coyene beta yabara painya neyaputaewa bapon. ⁶ Po diwesi paca tsipaebatsi Cristo yabara xua bapon paca cana exana painya nejinompaewa bapon nexa baxua anoxuae xaniwaicha paexanaponame. ⁷ Paxam paxename pocotsiwa Nacom pia Pejumope tñaxu tatsi paca cata, daxita xua pocotsiwan panantawenoname xua betiya painya nejinompaewa tsane Nacom nexa. Daxita baxuan paxeina dubenanaebiyaename poxona cataunxuae pawnae ewatsiname xua poxona Jesucristo po mataqueitha equeicha patopeicaena pon Wanacanamataxeinaein. ⁸ Nacom paca yaweneibina xua paajuntusya jinompaename beya poxona Jesucristo equeicha patopaetsica. Dapon xain aibi tsane pon paca yabara paeba xua painya nenatsicuentiwa xua abe painya neexanaexae Nacomtha xua poxona equeicha patopaetsica pon Wanacanamataxeinaein Jesucristo. ⁹ Nacom bara ataya exaneiba pocotsiwa pia petsiwanae muxu dutsiwan. Barapon Nacom paca waba painya neyawa muxuna jinompaenexa tsane Jesucristo pon Wanacanamataxeinaein, Nacom Pexanto tatsi.

Meje poxonaē Pablo yabara paeba po coyene pomonaē pejume cowantsiwi Cristo xua natsaba nacana exana

¹⁰ Tamonaē pam, paxam pomonaē iru painya nejume cowantsiwixae Jesucristo. Jume daunweya paca tsipaebatsi tajuntu coyenetha tsipei daxita paxam Jesucristo piamonaē tatsi pam pon Wanacanamataxeinaein. Caemonaē peburaya cuita pacueicueijan tsurubenaebiyama. Jopa pana najume matsontsonobinde xua daxota painya nenatsabiwam tsipae. Jame maisa peburaya pananta xeinare xua be bara caemonaē pam.

¹¹ Tamonaē pam, pomonaē iru painya nejume cowantsiwixae Jesucristo. Daxota baxua paca tsipaebatsi, yaitama yabuyo powa pewan Cloé piamonaē tatsi netsipaeba pinaē paxam nantiya pana najume matsontsonoba dubenanaebiyame.

¹² Jume tan xua paxam jiwana xua barompaya tsanaya paeba, jeye: “Pablo yabara jume cowantan pocotsiwa cuiduba”, jei. Ichamonaē jeye: “Apolos yabara jume cowantan pocotsiwa cuiduba”, jei. Ichamonaē jeye: “Pedro yabara jume cowantan pocotsiwa cuiduba”, jei. Ichamonaē jeye: “Cristo yabara jume cowantan pocotsiwa cuiduba”, jei.

¹³ Daxita paxam jopa bewa barapo coyene paexanaem xua ainyamonaēin pana naexaname. Cristo jopa pia coutha nanantarabiya exanaeyo tsipei Cristo apara bara caein. Xan, Pablon, jopa apara paca tsitupaetsi naetotha. Jopa apara paca bautisabichi tawantha xua daxota tamonaē painya nenaexanaenexam. ¹⁴ ¡Pai jaibo!

¿Incane metha barichipaein? ¿Incane metha bautisabichipan? Daxota Nacom tsipaeban janje: “Nacom maisa jantũ coyene weiweinan xua barapomonae jopa tabautisabiwa”, jan. Saya meisa bautisaban Crispo iruru Gayo. ¹⁵ Daxota dapon aibi pon itacũpatsi xua pejeiwa: “Xan nebautisaba Pablo pewantha”, xua pejeiwa. ¹⁶ Jaina iruru Estéfnas piamonae tatsi bautisaban. Ichitha ichamonae jopa yabara nanta xeinaeinyo xua tabautisabiwa bayatha. ¹⁷ Cristo jopa neitorobiyo xua tabautisabinexa jiwi. Jame saya Cristo neitoroba xua yabara tacueicueijeinexa pecapanenebiyae diwesi. Ichitha jopa cueicueijanyo icha be ichi pon bichocono cueicueijejexa poxoru bichocono peyaputaexae. Ichi baxua exanaetsipan jiwi jopa yabara yaputaetsipae Jesucristo pia pecapanenebiyae diwesi xua poxonae Cristo naetotha tsitũpa jiwi.

Meje poxonae Pablo yabara paeba xua Cristo xeina Nacom pia peyaputaexa tatsi xuano Nacom pia peyaputaexa coyenewano tatsi

¹⁸ Ichamonae jopa beta yabara nanta xeinaeyo po diwesi xua Cristo petsitũpaewa naetotha jiwi. Barapomonae yawa muxuna weraweracaena abe peexanaewan. Barapomonae jopa pejume cowantsixae Jesucristo daxota nanta xeina xua barapo diwesi be tsita penamitacueinchi diwesi jumetsi. Ichitha ichamonae beta yabara nanta xeina barapo diwesi. Barapomonae Nacom capanenebiyaena abe pia peexanae cuiru coyenein tatsi weya. Barapomonae yaputane xua

barapo diwesi bichocono peayapusu diwesi xua Nacom weya. ¹⁹ Nacom Pejume Diwesitha baxua yabara paeba. Nacom jeye:

“Weraweraca exanaein peyaputae coyenewan,
po
peyaputae coyenewan xeina pomonae
peyaputaewi.

Pecuidubi coyenewan beban tsane,
po pecuidubi coyenewan xeina
pomonae peyaputaewi”, jei Nacom.

²⁰ Pon xua peyaputaenin iru pon xua pecuidubin,
iru pon jume daunweya yabara cueicueije
po nacuathe, barapomonae Nacom jopa tsita
ainya cuichi. Nacom cui capona peyaputae
coyenewan, po peyaputae coyenewan xeina
pomonae peyaputae jiwi barapo cae pin
nacuathe. ²¹ Nacom xainyeya xeina peyaputae
coyenewa. Nacom jopa copatsiyo jiwi xua
peyaputaewatsi bapon, peyaputae coyenewatha
po peyaputae coyenewa xeina pomonae jinompa
barapo cae pin nacuathe. Jame Nacom ichichipa
xua capanepa jiwi abe pia peexanae cuiru
coyenein weya pejume cowantsixaetsi poxonae
pacueicueijan Nacom Pejume Diwesi. Barapo
diwesi ichamonae tsita penamitacueinchi
diwesichi. ²² Judiomonae ichichipa tane nawita
Nacom pia pexeinya petsita itatsi coyenewan
xua pejume cowantsinexa tsane Nacom Pejume
Diwesi. Seicaya nama griegomonae yabara jeita
nawita barapo irathe pia peyaputae coyenewan
xua pejume cowantsinexa tsane Nacom Pejume
Diwesi. ²³ Ichitha paxan payabara cueicueijan
Mesías pon naetotha tsitupa xua jiwi abe pia

peexanae cuiru coyenein tatsi. Barapo diwesi judiomonae jopa be jume jejeyo poxoru tsita ajumbetsi. Seicaya nama pomonae jopa judiomonae naexanaeyo tsita penamitacueinchi diwesichi barapo diwesi. ²⁴ Ichitha pomonae Nacom waba pomonae bara metha bequein judiomonae tsipae irurũ pomonae metha bequein jopa judiomonae naexanaeyo tsipae barapomonae jame Jesucristo jume cowuntatsi. Barapomonae nanta xeina xua Mesías xeina Nacom pia peayapusũ coyenewa tatsi matautano xua Nacom pia peyaputae coyenewa tatsi xua jiwi pecapanenebiyaenexa tsainchi. ²⁵ Pocotsiwa jiwi tsita penamitacueinchi diwesichi xua Nacom exana baxua apara bara jame Nacom bichocono tsita peyaputae coyenewatsi, beyacaincha po peyaputae coyenewa jiwi xeina barapo cae pin nacuathe. Matautano pocotsiwa jiwi jopa tsita peayapusũtsi xua Nacom xeina baxua apara bara jame Nacom tsita peayapusũ coyenewatsi bichocono, beyacaincha po peayapusũ coyenewa jiwi xeina barapo cae pin nacuathe. ²⁶ Tamonae pam, paxam pomonae irũ painya nejume cowuntsiwixae Jesucristo. Paxam bewa pana nacayabara nanta xeinaem xua eta po jiwi pam xua poxonae Nacom aena paca waba. Bapoxonae pananta xeiname xua saya paxam caeyobe pam pomonae peyaputae jiwi pam. Barichi paxam saya caeyobe pam pomonae peayapusũya itorobi jiwi pam. Matautano paxam saya caeyobe pam pomonae peainya cui jiwi pam. ²⁷ Nacom itapeta pomonae xua ichamonae yabara jeichi: “Barapomonae apara

pomonae jopa peyaputae jiwi”, jei. Ichitha barapomonae Nacom pia peitapetsiwixae barapomonae aura exana pomonaetha pomonae abe peyabara paebixaetsi, pomonae bichocono peyaputaewi. Barapomonae pomonae pia coutha peyaputaewi penaexanaewixae aura tsane, tsipei yaputaena xua pomonae Nacom pia peitapetsiwixae tatsi xaniwaicha barapomonae peyaputaewi. Matautano Nacom itapeta pomonae xua ichamonaе yabara jeichi: “Apara barapomonae pomonae pejuntꞑ coyene faefaenaewi pejume cowantsiwatha”, jei. Ichitha barapomonae pomonae Nacom pia peitapetsiwixae barapomonae aura exana pomonaetha pomonae abe peyabara paebixaetsi pomonae pia coutha penayabara nanta xeinaewa xua bichocono pexeinaewa peajuntꞑcoyenesꞑwa. ²⁸ Nacom itapeta pomonae barapo cae pin nacuathepiwi jiwana, pomonae pecui pawi jiwi xua piamonaе peexanaenexa. Barapomonae pomonae ichamonaе abe peyabara paebiwichi, matautano xuano pomonae ichamonaе jopa petsita ainya cui jiwichi. Nacom itapeta pomonae jopa peainya cui jiwi xua penajume tsita itapeinya xeinaenexa xua Nacom jopa peitapetsiwa pomonae pia coutha penacayabara nanta xeinaewa xua peainya cui jiwi. ²⁹ Daxota dapon aibi pon peitacꞑpaewatsi xua Nacom peitabaratha atsaquiya penayabara paebiwa xua peainya cui jitonxae. ³⁰ Nacom paca exana xua painya neyawa jinompaewa Cristo Jesús pia peajuntꞑyapusꞑwa tatsi. Matautano Nacom naca exana xua xeinatsi Cristo Jesús pia peyaputae

coyenewa tatsi wayaputaenexa Nacom. Matautano Cristo naca cana exana xua wajuntũ coyene xanepanaewa xua jopa wanatsicuentisiwa xua abe waexanaexae Nacomtha. Matautano Cristo naca exana xua watanacuichinexa Nacom, bapon piamonaexae tatsichi. Nacom naca yantomata xua Jesucristo naca tsitũpa naetotha wanaca capanenebiyaenexa abe waexanae cuiru coyenein weya. ³¹ Daxota Nacom Pejume Diwesitha paeba jeye: “Jiwi jopa bewa pia coutha atsaquiya nayabara paebi xua peainya cui jiwixae. Bũ jame moya barapo jiwi bewa saya atsaquiya yabara paebina po coyene Nacom pia peainya cui coyenewa tatsi pon jiwi Pecanamataxeinaeinchi”, jei Nacom Pejume Diwesitha.

2

Meje xua Cristo petũpaewa diwesi yabara

¹ Tamonae pam, paxam pomonae irũ painya nejume cowantsiwixae Jesucristo. Patopan painya xantha tapaca catsipaebinexatsi Nacom pia pexainyei diwesi jume. Bapoxonae jopa paca tsipaebichi po diwesi ayapube xua tacueicueijeiwa xua poxonae icha ichi xua paeba pon peyaputaen bichocono. ² Poxonae poponan painya xantha, saya meisa Jesucristo yabara nanta xeinan xua tapaca catsipaebinexatsi. Matautano yabara tapaca catsipaebinexatsi po coyene poxonae bapon naetotha tũpa. ³ Poxonae paxamtha naitũtan nayabara nanta xeinan xua neita coxana xua beta tacueicueijeiwa. Matautano tajunuwi antũthũ

deideijan. ⁴ Poxonae paca tsipaebatsi Nacom Pejume Diwesi jopa paca tsipaebichi po jumein ayapube xua icha ichi poxonae cueicueijei pon bichocono peyaputaen. Ichitha seicaya nama paca tsipaebatsi tana neitorobixae Nacom pia Pejumope $\text{t}\bar{\text{n}}\text{ax}\bar{\text{u}}$ tatsi yawano Nacom pia peyapus $\bar{\text{u}}$ itorobi coyenewathano. ⁵ Daxota poxonae pajume cow $\bar{\text{u}}$ ntame Jesucristo apara poxoru jopa painya nejume cow $\bar{\text{u}}$ ntsixae jiwi pia peyaputae coyenewa. Apara jame poxoru Nacom painya nepaca yawenaexae pia peyapus $\bar{\text{u}}$ itorobi coyenewatha daxota pajume cow $\bar{\text{u}}$ ntame.

Meje yabara xua Nacom naca yaputane exana pia Pejumope $\text{t}\bar{\text{n}}\text{ax}\bar{\text{u}}$ tha tatsi

⁶ Paxan pacueicueijan pomonaetha pomonae bichocono pejume cow $\bar{\text{u}}$ ntsiwi Nacomtha xua Nacom pia peyaputae coyenewa tatsi. Nacom pia peyaputae coyenewa tatsi jopa apara barapo cae pin nacuathe weya ponaeyo. Mata $\bar{\text{u}}$ tano jopa apara barapo coyene xua po coyene jopa ponaeyo pomonae piamonae itorobiya pecanamataxeinaewi weya. Pomonae anoxuae piamonae itorobiya pecanamataxeinaewi werapaena, yawano weraweracaena pia peyaputae coyenewan tatsi. ⁷ Po coyene xua paca tsipaebatsi apara Nacom pia peyaputae coyenewa tatsi. Barapo coyene caena bayatha Nacom namicha yaw $\bar{\text{u}}$ n xeina xua jiwi jopa yabara yaputaeyo beya anoxuae Nacom najume tsita itapeinya xeina. Caena bayatha pew $\bar{\text{u}}$ naeya poxonae Nacom nacia forotsina bapon nanta xeina xua naca capanepaena. Baxua apara

Nacom pia peyaputae coyenewa tatsi xua matapainya naitata. ⁸ Barapomonae pomonae piamonae itorobiya pecanamataxeinaewi jopa yabara yaputaeyo Nacom pia peyaputae coyenewa tatsi. Icha metha barapomonae yaputaetsipa metha jopa Jesucristo naetotha tupa exanaetsipaetsi, pon jiwi Pecanamataxeinaein, pon pexeinya peitupanae coicha pexeinaein.

⁹ Nacom Pejume Diwesitha baxua yabara jeye:

“Nacom bayatha jiwi tsiwunaeta po jiwi peantobewixaetsi pocotsiwan xua bichocono pewunaewan xua exana barapo jiwi nexa.

Barapocotsiwan jiwi jopa yabara yaputaeyo, matautano jopa yabara jume taeyo.

Matautano Nacom tsiwunaeta pocotsiwa xua jiwi jopa bapana yabara nanta xeinae jopa juniya pewunaexae”, jei Nacom

Pejume Diwesitha.

¹⁰ Nacom yabara naca yaputane exana baxuan pia Pejumope tūnaxūtha tatsi. Nacom pia Pejumope tūnaxū tatsi daxita yaputaeya necota pocotsiwa naca yaputane exana, beya yawa muxunano naca yaputane exana pocotsiwa Nacom namicha yawun xeina.

¹¹ Jiton dapon aibi pon itacupatsi xua yaputane ichan pia pejuntū coyene tatsi. Saya jame meisa ichan itacupatsi xua pia coutha najuntū coyene yaputane. Bara jūta ichi meisa Nacom pia Pejumope tūnaxū tatsi yaputane xua Nacom pia pejuntū coyenewa tatsi. ¹² Nacom jopa naca copatsiyo xua bara wacoutha wayaputaewa tsane xua be pocotsi coyene Nacom pia penanta xeinaewa tsane. Apra jame seicaya naca cata

pia Pejumoŋe t̄nax̄u tatsi, wanaca yaputane exanaenexa xua pocotsiwan yabara Nacom wanaca catsiwa wanaca antobexae. ¹³ Waxainchi diwesi cueicueijeichi pomonaetha pomonae Nacom pejume cow̄antsiwi po coyenetha Nacom pia Pejumoŋe t̄nax̄u tatsi naca yaputane exana. Jopa apara barapo diwesin cueicueijeichi xua saya barapo cae pin nacuathepiwi pia coyenetha tatsi xua saya ba wacoutha wananta xeinaewa. Daxota yabara paebatsi pocotsiwan xua Nacom pia Pejumoŋe t̄nax̄u tatsi ichichipa paeba pomonaetha pomonae Jesús pejume cow̄antsiwichixaetsi. Barapomonae yaputane barapocotsiwan.

¹⁴ Nama pon jopa pejume cow̄antsin Jesús jopa yaputaeyo pocotsiwan wacueicueijejiwa, pocotsiwan Nacom pia Pejumoŋe t̄nax̄u tatsi naca yaputane exana. Tsipei bapon tsita penamitacueinchi jumetsi. Bapon jopa yaputaeyo barapo diwesin tsipei jopa xeinaeyo Nacom pia Pejumoŋe t̄nax̄u tatsi xua peyawenaenexatsi xua peyaputaewanexa. ¹⁵ Jame pon pejume cow̄antsin Nacom, bapon yawenatsi Nacom pia Pejumoŋe t̄nax̄u tatsi xua yabara peyaputaewa daxitan. Ichamonae jopa itac̄paetsi xua bapon peyabara paebiwatsi xua penatsicuentsiwa xua abe peexanaexae. ¹⁶ Nacom Pejume Diwesitha barapo coyene yabara jeye: “¿Jintam yaputane Nacom pia penanta xeinaewa tatsi xua pecuidubinexa tsane Nacomtha pon jiwi Pecanamataxeinaein? Jume apara, apara dapon aibi”, jei Nacom Pejume Diwesitha. Waxainchi nanta xeinatsi icha be pocotsi coyeneya Cristo ichi xua penanta xeinaewa.

3

*Meje xua Pablo yabara paeba pomonae pen-
abarꝯ nacuichiwi Nacom nexa*

¹ Tamonae pam, paxam pomonae irꝯ painya nejume cowꝯntsiwixae Jesucristo. Jopa neitacꝯpaeyo xua tapaca catsipaebiwa tsainchi icha bichocono pajume cowꝯntame Nacomtha icha be pocotsi jiwimonae ichi pomonae bichocono jume cowꝯnta Nacom. Ichitha daxota paca tsipaebatsi tsipei paxam be barapocotsi jiwimonae pam pomonae jopa bichocono Nacom yabara yaputaetsi. Paxam paca tsipaebatsi be pexui pam xua aena pajume cowꝯntame Cristo. ² Pocotsi coyene xua ayapube jopa paca cuidubichi, icha be coxiwa ichi xua poxonae apata mito pexuyo poxonae cataunxuae jopa yaputaeyo xua xane pexaewa. Cataunxuae jopa neitacꝯpaeyo xua tapaca cuidubinexatsi po diwesi bichocono daunwei poxoru awiya jopa payaputaem. Paxam be barapocotsi pexui pam xua po pexui cataunxuae jopa itacꝯpaetsi xua pewito pexaewa. ³ Paxam cataunxuae painompame icha be ichi poxonae jinompa pomonae jopa pejume cowꝯntsiwi Nacom. Poxonae paxam nantiya pana nauwa dubenanaebiyame, yawa nantiya pana naba dubenanaebiyame, painompame icha be ichi xua jinompa xuano abe exana dubenanaebiya pomonae jopa pejume cowꝯntsiwi Nacom. ⁴ Ichamonae pomonae paxam jiwana pam, jeye: “Pablo yabara jume cowꝯntan pocotsiwa cuiduba”, jei. Ichꝯn jeye: “Apolos yabara jume cowꝯntan pocotsiwa cuiduba”, jei. Poxonae

papaebame baxua bapoxonae bara pajinom pame icha jiwi ichi poxonae jinompa pomonae jopa pejume cowantsiwi Nacom.

⁵ Daxota paca tsipaebatsi: Xan Pablo jopa taainya cui jiton, barichiru Apolos. Apra paxanbe saya ponbe amanaya pata tanacuichinbe Nacom. Nacom Apolos pana neitorobabe xua pata cueicueijeinexabe Nacom Pejume Diwesi. Apolos baxua pata exanaexaebe daxota pajume cowantame Jesucristo pon jiwi Pecanamataxeinaein. ⁶ Xan Pablon paca cuidubatsi Nacom Pejume Diwesi. Apolos xuya equeicha ichawa paca cuiduba Nacom yabara. Ichitha nama Nacom apra bapon, pon paca yawena xua painya nejume cocowantaponaenexa. Barapo coyene icha be nae ichi xua peubi nae. Ichun ubanota. Ichun mera mata epababapona. Ichitha nama Nacom, apra bapon, pon exana xua xaniwaicha xuwa. ⁷ Ichun copiya uba iru ichun xuya mata epababa meratha. Pon peubixae jopa ainya cui jitonyo. Iru pon xuya pemata epababaponaexae meratha, bapon jopa ainya cui jitonyo. Jame saya meisa Nacom ainya cui, tsipei Nacom daxita xuwa exana naewan. Daxota Nacom bichocono ainya cui beyacaincha xua barapo pebinbe. Barichi Apolos iru xan Pablon jopa ainya cui jitonyo panbe. Jame Nacom bichocono ainya cui beyacaincha paxanbe. ⁸ Pomonae xua uba iru pomonae xuya meratha mata epababapona barapomonae Nacom tsita najupatsi. Nacom pentoma cata barapomonaetha be pocotsi coyeneya xua barapomonae petanacuichiwa. Pon xua abeya petanacuichixae,

be conotha matoma catsinchi. Pon xua w_hnaeya petanacuichixae, w_hnaeya matoma catsinchi.

⁹ Paxan pana nabaru yawa tanacuitan Nacom xua pata cueicueijeiwa Nacom Pejume Diwesi poxonae paca cuidubatsi xua painya nejume cowantsiwa tsane Nacom. Barapocotsi j_uta coyeneya paexanan poxonae Nacom Pejume Diwesi paca cuidubatsi icha pebin ichi poxonae u_hba pabitha xua petanaforotsinexatsi pexaewa. Nacom paca exana xua beta painya nejume cocowantaponaewa bapon xua beya bichocono painya nejunt_u coyene xanepanaewa tsane. Baxua Nacom paca cana exana, icha be pocotsi j_uta coyeneya ichi poxonae pebin bomax_u acabapona xua beya poxonae bichocono pexeinya bo.

¹⁰ Nacom necopata xua ponxaein copiya matha tapaca cayawenaewatsi xua painya nejume cowantsinexa bapon. Nama bapoxonae xuya ichamonaе paca cuidubapona Nacom Pejume Diwesi xua painya nejume cocowantaponaenexa. Barapocotsi j_uta coyeneya exanan poxonae tapaca cayawenaewatsi, icha pebin ichi pon peyaputaein xua bo peacabiwa poxonae bo acaba po bo ibo bo. Bapon copiya matha tsicobe nobabareca po iboton beta petab_u caumenaewa xua ichamonaе tsicobe nobabarecatsi. Athawetsica xuya ichamonaе exanapona. Daxita pomonaе acaba barapo ibo bo bewa beta xanepanaya exanaena icha jiwi ichi xua poxonae bewa beta taexanaena xua pocotsiwa taexana Nacom nexa.

¹¹ Poxonaе jiton ibo bo acaba bapon copiya beta noba po iboton xua copiya nanta caumena. Bapoxonaе ich_un

bewa icha iboton beta cuaranobi barapo iboton pecoyoreca xua bo pexeinya bo petsuncuaenexa. Barapocotsi jata coyeneya ichi, poxonae paca cuidubatsi Jesucristo pejume diwesi. Ichuan bewa beta yabara paca cuidubina icha coyene xua baxua painya nejume cowantsinexa. ¹² Po pebin ibo bo acaba barapo pebin itacupatsi xua jebabapona ichawa barapo ibotontha, po ibotontha copiya nanta caumena. Pocotsiwan bapon itacupatsi xua jebabapona bichocono ayapusu be pocotsiwa pewun oro nain, yawano pocotsiwa xua pewun plata nain yawa pocotsiwa be iboton po iboton xua bichocono ainya matoma. Ichacuitha barapo pebin itacupatsi xua barapo ibotontha jebabapona pocotsiwan xua pepawi be naepawa, yawa be naepanaewan yawa be musuriboton. Bara jata ichi, pebin itacupatsi xua yawenaena ichamonaetha. Ichacuitha beta cuidubina pomonae xua jume cowanta Jesucristotha pocotsiwa xua bichocono ayapusu. Ichacuitha cuidubina pocotsiwa xua pepawi pomonae xua jume cowanta Jesucristotha xua jopa ayapusayo. ¹³ Jopaena matabi po mataqueitha Nacom yabara paebina jiwi xua penatsicuentisiwa xua abe peexanaexae. Barapo mataqueitha Nacom taena po coyene xua jiwi taexana Nacom. Nacom bichocono tsita xanepanatsi pocotsiwa xua bichocono ayapusu po coyenein jiwi taexana bapon nexa. Ichitha nama Nacom naitemata po coyene jopa tsita xanepanaetsi xua pocotsiwa bequein jiwi taexana bapon nexa. ¹⁴ Icha pebin exana pocotsiwa xua bichocono ayapusu xua Nacom nexa, Nacom

matoma catsina bapontha. ¹⁵ Ichitha icha ichan taexana Nacom pocotsiwa Nacom jopa tsita xanepanaetsi, daxita barapo coyenein Nacom naitemata po coyene bequein bapon Nacom taexanatsi. Ichitha bapon capanepatsi poxonae Nacom naitemata po coyene bapon exana, icha pebin ichichi xua capanepatsi isoto weya bequein daxita tataxotsi xua pocotsiwa xeina.

¹⁶ Barapara paxam payaputaneme xua painya juntꞤ coyene Nacom tsitatsi xua bara be Nacom pin pia bo tatsi tsipei Nacom pia Pejumope tꞤnaxꞤ tatsi popona painya juntꞤ coyenetha. ¹⁷ Icha ichan saraboba Nacom pin pia bo, Nacom xuya weraweraca exanaena barapo jitontha. Nacom pin pia bo tatsi, bara po bo Nacom tsita xanepanatsi poxoru pia Pejumope tꞤnaxꞤ tatsi pepoponaexae barapo botha. Icha Nacom ichi xua weraweraca cana exana pontha pon petasarabobixaetsi pin pia bo tatsi, barichi xuya Nacom weraweraca cana exanaena pontha pon paca juntꞤ coyene itoroba xua abe painya neexanaewa tsane. Nacom baxua exana tsipei Nacom pia Pejumope tꞤnaxꞤ tatsi popona painya juntꞤ coyenetha.

¹⁸ Jopa pacopatsinde xua painya coutha pana namuxuitorobame. Icha ichan pia coutha nacayabara nanta xeina xua bichocono peyaputaein icha barapo cae pin nacuathepiwi ichi, bewa bapon pia coutha equeicha caewa naexanae be pocotsin jopa peyaputaein. Bapoxonae bapon bara Nacom tsita be pon pepa peyaputaeinchi. ¹⁹ Nacom tsita penamitacueinchi jumetsi po peyaputae coyenewan yaputane jiwi pomonae barapo cae pin nacuathe

jinompa. Nacom Pejume Diwesitha barapo jiwi yabara jeichi: “Nacom tsitatsi xua apara xeina penatsicuentasiwa xua abe peexanaexae pocotsi jiton peyaputaen, peexanaexae barompaya pia peyaputae coyenewatha”, jei Nacom Pejume Diwesitha. ²⁰ Matautano Nacom Pejume Diwesitha baxua yabara jeino: “Nacom yaputane po coyenein nanta xeina pomonae peyaputaewi. Barapocotsi coyenein Nacom tsita penamitacueinchi jumetsi”, jei Nacom Pejume Diwesitha. ²¹ Pomonae pejume cowantsiwi Jesucristo jopa bewa atsaquiya pana neyabara paebi tsane xua pejeiwa: “Pon jume cowantan pocotsiwa cuiduba bapon bichocono peyaputaen beyacaincha ichun pon peyaputaen”, xua pata taneyabara jeiwa pomonae pejume cowantsiwi. Tsipei paxan pomonae pecuidubiwi pan saya pebiwi pan xua jopa bichocono peyaputaewi pan. Dapocotsiwa aibi xua pocotsiwa payaweraweracame xua jopa paxeinaem. Daxita pomonae painya nepaca cuidubiwi, iruno daxita coyenein pocotsiwa Nacom forota, bara Nacom exana paxam nexa painya nepaca cayawenaewa tsane. ²² Xan Pablon Nacom neitoroba, iru Apolos itorobatsi, iru Pedro itorobatsi xua pata paca cayawenaenexatsi. Nacom paca cata daxita xua barapo ira piawan, xua painya nepaca yawenaenexa. Matautano yabara paca yaputane exana xua peajuntayapusawa, po coyenewano petrae coyenewa, matautano po coyene anoxuae piawa yabara, po coyenewano bexa piawa yabara xua painya nepaca yawenaenexa. ²³ Baraxuan

daxita paxeiname Cristo piamonae jiwi tatsi pamxaem. Barichi Cristo barapara Nacom Pexanto tatsi.

4

Meje xua Jesucristo pia peitorobi jiwi tatsi taexana, Nacom taexanatsi

¹ Paxam bewa pana neyabara nanta xeinaename xua paxan meisa saya barapomonae pan xua pomonae Cristo amanaya pata tanacuichi jiwi pan. Paxan yabara pacuiduban Nacom moya pia peyawun xeinaewa tatsi po coyene copiya bequein bayatha moya yawun xeina xua jiwi jopa yabara yaputaeyo. Barapo coyene xua moya peyawun xeinaewa, anoxuae Nacom najume yabara copata xua jiwi bara peyaputaenexa. ² Pon tanacuita pia pecanamataxeinaeinchi, barapon bewa bara xaniwaicha exanaena pocotsiwa pia pecanamataxeinaeinchi tsipaeba xua bepa exanaena pinae xua daxota pejume cowantsinexatsi pia pecanamataxeinaeinchi xua bara xaniwaicha exana. ³ Jopa netsita ainya cuiyo xua paxam tapaneyabara paebiwam xua tacuidubiwa yabara xua icha metha bara exanan pocotsiwa Nacom neitoroba. Matautano jopa netsita ainya cuiyo xua jiwi taneyabara paebiwa xua barapo coyene xua icha metha bara exanan. Barichi tacoutha jopa nayabara nanta xeinaeinoyo xua icha metha barapo coyene jopa exanaeinoyo, xua daxota tanatsicuentisixae abe taexanaexae Nacomtha. ⁴ Tajuntx coyene netsipaeba xua bara pinae xanepanaya taexanaewa. Bequein tajuntx coyene baxua netsipaeba ichitha jopa

nayaputaeyno xua metha apara abe taexanaewa xua daxota Nacom tsita natsicuentan. Nacom pon jiwi Pecanamataxeinaein bapon apara pon taneyabara paebin xua tanatsicuentisiwa xua abe taexanaexae. Bapon meisa nejuntũ coyene yaputane icha bara metha tsita xeinan xua tanatsicuentisiwa xua abe taexanaexae. ⁵Jopa bepijawa payabara paebinde ichamonae xua abe pia peexanaewa. Abũ tsane beya poxonae patopaetsica pon jiwi Pecanamataxeinaein bapoxonae payabara paebiname abe pia peexanaewa. Barapon Nacom tsita itutsina po coyene xua jiwi pia pejuntũ coyenewatha namicha xaina po coyene xua ichamonae jopa taeyo. Bapon Nacom pon jiwi Pecanamataxeinaein itutsina po coyenein jiwi namicha xaina pejuntũ coyeneintha xua penatsicuentisiwan po coyenein xua Nacom petsita exanaewatsi. Daxita barompaya jiwitha Nacom yabara paebina po coyene pia petaexanaewichi. Pontha pon xanepanaya petanacuitsinchi Nacom wũnae jainchina bapontha. Nacom jopa wũnae jainti tsane pon jopa xanepanaya petanacuitinchi.

⁶Tamonae pam, paxam pomonae irũ painya nejume cowantsiwixae Jesucristo. Yabara paca tsipaebatsi barapo coyenein po coyenein paexanan, xanepanaya painya nejinompaenexa. Barichi paca tsipaebatsi Apolos yabara irũ xua xan yabara painya nenacuidubinexam pocotsiwa paexanan. Bapoxonae painya neexanaewa tsane icha paichin poxonae xua paexanan. Pajinompa dubenanaebiyama icha be pocotsi coyeneya

Nacom Pejume Diwesitha paeba. Jopa painya neexana dubenanaebiyaenexa pocotsiwa jopa paebiyō Nacom Pejume Diwesitha. Painya xoba atsaquiya pacayabara nanta xeiname ponbe Nacom petanacuichinchibe, xua ichan bichocono peainya cui jiton beyacaincha ichan. ⁷ Nacom jopa paca exanaeyo xua peainya cui jiwi pam beyacaincha xua ichamonae pomonae iru pejume cowantsiwi Nacom. Pocotsiwa paxeiname jopa apara pana nacatsim painya coutha barapocotsiwa. Apara jame daxita baxuan paxeiname pocotsiwa Nacom paca catsiba. Daxota jopa bewa atsaquiya pana nayabara paebim painya coutha. Poxonae baxua papaebame apara pajuntemainame pocotsiwa xua Nacom painya nepaca catsibiwa daxita.

⁸ Itara mexeya daxita painya nexeiinae jiwi pam po coyenein xua paichichipame painya neyaputaewa Nacom yabara daichitha jopa barapomonae pam. Pananta xeiname icha pomonae copei pexeinaewi ichi iru icha ichi pomonae jiwi itorobiya pia pepa peewatsiwichi xua xeina daxita xua ichichipa yawa daxita xua xuan pocotsiwa pecanantawenonaewa. Paxan jopa nama bara paichinyo. Maisa anoxuae bequein pana ita cui jicha xua yatsicaewa paxam pomonae painya neyaputae jiwi pam daxita xua Nacom Pejume Diwesi yabara xua bapoxonae pata tana nebaru yaputaewam tsane daxita Nacom Pejume Diwesi. ⁹ Paxan Jesucristo pia peitorobi jiwi tatsi pan. Xan nanta xeinan xua Nacom bara be copata pata tana cana exanaewa xua jiwi pata tana necui caponaewa xua poxoru

imoxoyo pata werapaewa tsane. Paxan be pocotsi jiwimonaē pecui pawī jiwimonaē pan xua daxota daxita nacuanpiwi ir_u matatsunpiwi pana ichichi xeica. ¹⁰ Jiwi pana neyabara nanta xeina xua paxan pata nemuxuxenae jiwi pan, yaitama paxan Cristo payabara cueicueijan. Jaina maisa paxam jiwi paca yabara nanta xeina xua paxam beta yabara painya neyaputae jiwi pam Cristo. Paxan nama jopa pana daichibenaēinyo. Paxan jiwi pana yabara nanta xeina xua pajunt_u coyene faefaenabenan. Jaina nama pana nayabara nanta xeiname xua pajunt_u coyene daunwam Nacomtha. Jaina maisa jiwi paca bar_u cui itura jina, jopa pana daichibenaēinyo. Nama atsaquiya abeya pana yabara paeba. ¹¹ Caena bayatha beya anoxuae, paxan bichocono pajainpan. Matautano pameratsipanno bichocono. Matautano painta paparuwan bichocono jonopa. Jiwi pana neba bichocono. Yawano jopa bo paxeinaēinyo. ¹² Pana nacobe fifinatontan, patain pata nacuichixae bichocono. Bequein jiwi tsum_u jumetha pana casebeiba daichitha barapomonaē Nacomtha pataw_uqueiban xua barapomonaē peyawenaenexa tsaibi tsainchi. Poxonae jiwi pana atene exaneiba bara saya pacui copatan. ¹³ Bara bequein jiwi abeya pana neyabara paebeiba ichamonaetha, daichitha baxua jopa pajume naitaewatsinyo. Saya jame xanepanaya patsipaeban barapomonaetha. Jiwi pana neyabara nanta xeina xua pinae peabe jiwi pan. Barapo jiwi pana itaweta icha be poxonae jiton ichi poxonae piawa basuratha xuba. Baxua jiwi painta exanapona beya anoxuae.

¹⁴ Jopa baxua pacata tinaetsi xua paca aura exanatsi. Jame pacata tinatsi xua pata cayawenaenexatsi xua painya neexanaenexa pocotsiwa bewa paexanaename. Paxam be tapexui pam, tsipei bichocono paca antobetsi. ¹⁵ Bequein icha bara metha paxeinaetsipame diez mil poyobe pomonae painya cacuidubi jiji po coyene xua Cristo yabara, ichitha saya pacata compa pon be painya axa natsicotane. Saya meisa xan compan copiyan pon be painya axa tapacata natsicotaeinchi, tsipei paxam copiya Cristo Jesús pajume cowantame poxonae paca cuidubatsi Nacom Pejume Diwesi. ¹⁶ Daxota bichocono paca muxu jeichi, paexanaponde icha xan ichin xua exanaponan.

¹⁷ Daxota pacata itorobatsi Timoteo pon bichocono antobein. Bapon bara be taxanto, tsipei yawenan xua pejume cowantsiwa Jesucristo pon jiji Pecanamataxeinaein. Bapon exaneiba pocotsiwa itorobeiban. Bapon Timoteo paca tsipaebina xua tana neyabara paebiwa tsane po coyene xua xanepanaya tapoponaewa tajume cowantsixae Cristo Jesús. Barapo coyenein cuidubeiban ichaxota poneiban daxita i dapocotsi penacaetutsi bon jiwitha pomonae Nacom pejume cowantsiwichi. ¹⁸ Ichamonae pomonae paxam jiwana pam, bichocono jantũ coyene yucatsi xua ichamonae peabiwatsi. Baxua exana tsipei barapomonae nanta xeina xua xan jopa tapaca siwa ponaewa tsainchi. ¹⁹ Icha Nacom pon jiji Pecanamataxeinaein copatsina xua bara taponaeewa tsane aunxuae paca siwa ponaeinchi. Bapoxonae taein pomonae xua ichamonae peabiwichi icha metha

barapomonaē xeina Nacom pia peayapus̄ itorobi coyenewa tatsi. Ichacuitha metha tsipae apara metha saya paeba. ²⁰ Jiwi jopa patsi tsane Nacom pia peitorobi nacua beicha xua poxoru w̄nae pepaebixae tsane pia coutha. Apra jame jiwi patsina bara beicha pexeinaexae Nacom pia peayapus̄ itorobi coyenewa tatsi. ²¹ ¿Eta xua painyatsi? ¿Paca tsicapatinchi naewan xua xota paca beinchi? Jume apra. Ichacuitha metha tsipae ¿paichichipame xua tapaca casiwa ponaewatsi tapaca caantobexaetsi? ¿Matautano beta pacata exanaeinchi xua jopa taanaepanaexae? Aa jame baxua.

5

Meje xua poxonaē Pablo itaweta pon penowa tsiper̄ nacoyoba

¹ Ich̄n netsipaeba xua pinae caein pon paxam jiwana pam pinae bichocono abe exana. Pinae bapon penowa tsiper̄ nacoyoba powa paxa tatsi bayatha bar̄ popona. Barapo peexanae coyenewa bichocono abe. Pomonaē bequein jopa peyabara yaputaewa Nacom barapo coyene jopa copatsiyo xua jiwi peexanaewa tsane baxua. ² Paxam pomonaē painya nenanta xeinaē jiwi pam xua peainya cui jiwi pam xua daxota jopa panantawenonaem xua painya neitawetsiwa bapon. Jame bewa baxua payabara j̄nt̄ coyene wecoyam. Pon painya xantha pita penowa powa paxa tatsi xeina bewa patorotsim painya xainya weya. ³ Bequein jopa yatsicaewa paca bar̄ ecaetsi ichitha paca yabara nanta xeineibatsi be poxonaē paca bar̄ ecatsi yatsicaewa. Bara

bapon yabara paeбан xua penatsicuentsiwa xua abe peexanaexae tsipei yabara paeбан Jesucristo pia peayapusu itorobi coyenewatha tatsi, pon Wanacanamataxeinaein. Baxua exanan icha be poxonae yatsicaewa tapaca baru ecaewatsi.

⁴ Poxonae panacaetutame daxita pam, pomonae painya nejume cowantsi jiwi Jesús, paca yabara nanta xeineibinchi icha be poxonae tapaca baru ecaewatsi yatsicaewa. Matautano Jesús pon jiwi Pecanamataxeinaein pia peitorobiwa tatsi xua peayapusuwa tatsi paxeina dubenanaebiyama.

⁵ Pon xua awiya abe exanapona barapo jiton bara pacopare Satanastha pon caurimonae pia pentacaponaeintha tatsi. Bapoxonae barapo caurimonae pia pentacaponaein tatsi atene cana exanaena bapontha xua saya pia pepontha tatsi poxoru barapo jiton ichichipa xua abe peexanaewa. Bapoxonae barapo pebin equeicha jume cowantsina Nacom po pebin copiya abe peexanaexae. Pia pejumope tñaxu tatsi Nacom capanepaena po mataqueitha poxonae Jesús patopeicaena, pon jiwi Pecanamataxeinaein.

⁶ Paxam jopa bewa atsaquiya pajinompam xua poxoru pocotsiwa painya neexana dubenanaebiyaexae. Icha caein payabara cui copatame xua bara abe exanapona painya xantha pon abe peexanaein bequein xua saya conotha exana, bapoxonae pinmonae painyamonae abe exanapona. Bara paxam payaputaneme pocotsi diwesiyo ba jiwi yabara canauta jatsiya paeba baxua yabara xua pejeiwa: “Levadura matawun xoyo bequein peyauyo baxoyo daxita pantha cotowa exana”, xua pejeiwa. ⁷ Painya

xainya weya patorore pon abe peexanaein abe peexanaeyainwa daxita painyamonaе xua icha bapon ichi xua abe exana. Barapo coyene icha be ichi poxonaе jiwi levadura bebai, po levadura peru levadura abe peexanaeyainwa pan matabutha. Poxonaе bapo pebin patorotame bapoxonaе painyamonaе pomonaе pejume cowantsiwi xanepanaya jinompaena. Caena bayatha judiomonaе juteba oveja xua poxonaе pewunaeya tsane poxonaе Egipto nacua weya pona. Bapoxonaе Nacom yabara juntemaina judiomonaе abe pia peexanae cuiru coyenein tatsi poxonaе cordero bexotsi xua oveja pebto penun. Nacom tsitatsi xua Cristo bara be cordero poxonaе tupa naetotha. Cristo naca tsitupa xua abe waexanae cuiru coyenein icha cordero ichi xua tsitupa xua judiomonaе abe pia peexanae cuiru coyenein tatsi. ⁸ Waxainchi jopa bewa peabe coyenewa exanaetsi. Jame bewa xaniwaicha junte coyene xanepanaya jinompa dubenanaebiyaetsi Jesucristo pia pejume cowantsiwichixaetsi.

⁹ Icha cartatha paca tsipaebatsi xua jopa bewa painyamonaе jiwi pacana exanaem pomonaе pesi cui weiweinae jiwi xua bequein jopa piseuri jiwi. ¹⁰ Barapomonaе pomonaе pesi cui weiweinae jiwi pomonaе jopa pejume cowantsiwi Jesús apara jopa paca tsipaebichi barapomonaе yabara. Pomonaе jimun jiwi xua ichichipa copei xeinaewi naexana xua beyacaincha ichamonaе pomonaе jopa pejume cowantsiwi Jesús apara jopa paca tsipaebichi barapomonaе yabara. Pomonaе jopa pejume cowantsiwi Jesucristo

pomonae pecaibi jiwi apara jopa paca tsipaebichi
 barapomonae yabara. Pomonae ibo nacom̃n
 w̃nae pejainchiwi apara jopa paca tsipaebichi
 barapomonae yabara. Barapomonae pexainya
 weya painya newarapaenexa maisa jame bewa
 pawarapaem barapo cae pin nacua weya, xua
 ichaxota po nacua jiwaibi beya xua bara beya
 painya newarapaenexa. ¹¹ Pocotsiwa aunxuae
 paca tsipaebatsi baraxua icha cartatha bayatha
 pacata tinatsi. Jan: “Jopa bewa payawa muxuna
 jinompaem pomonae abe peexanae jiwi bequein
 paeba xua pinae jume cow̃nta Jesucristo.
 Barapomonae jopa bewa payawa muxuna
 jinompaem pomonae pesi cui weiweinae jiwi,
 ir̃no pomonae jim̃n jiwi xua ichichipa copei
 xeinaewi naexana beyacaincha xua ichamonae
 ir̃no pomonae ibo nacom̃n w̃nae pejainchiwi,
 ir̃no pomonae nac̃pa penaexanaewi, ir̃no
 pomonae jiwi pebiataewi, ir̃no pomonae
 pecaibi jiwi daxita barapomonae jopa bewa
 pabar̃ xaem bequein paca wabitha tsipaeno
 xua painya nenanabanaewa tsane”, jan. ¹² Xan
 jopa neitac̃paeyo xua jiwi tayabara paebiwa
 xua penatsicuentisiwa Nacomtha xua abe
 peexanaexae pomonae jopa jume cow̃ntsiyo.
¹³ Jame apara meisa Nacom yabara paeba xua
 penatsicuentisiwa xua abe peexanaexae pomonae
 jopa Nacom pejume cow̃ntsiwichi. Ichitha
 bewa payabara paebim xua penatsicuentisiwa
 pomonae penacaetutsi jiwi pomonae pejume
 cow̃ntsiwixae xua abe peexaneibixae poxonae.
 Daxota bewa paxam patorotsim pon abe exana
 painya xantha pon penowa tsiper̃ wenacoyoba

xua awiya barꝯ jijinapona.

6

Meje yabara pomonae pejume cowꝯntsiwi Jesucristo xua peponaewa pontha pon jiwi yabara paeba xua penatsicuentsiwa xua abe peexanaexae

¹ Poxonae ichamonae pomonae pejume cowꝯntsiwi jiwana pacata abe exana painya xoba paponame ichaxota eca pon jiwi yabara paeba xua penatsicuentsiwa xua abe peexanaexae. Jamaisa baxua paexaname xua pawꝯcame pon jopa pejume cowꝯntsin pon jiwi yabara paeba xua penatsicuentsiwa xua bapon peitawetsinexa pomonae abe peexanaewi. Bapoxonae painya pia bapon paca tsipaebichi xua barapomonae paca tsita natsicuenta xua abe peexanaexae. Jame bewa paponaname ichaxota nacaetuta pomonae pejume cowꝯntsiwi Jesucristo. Bapoxonae barapomonae yabara paebina pomonae xua penatsicuentsiwi xua abe peexanaexae paxamtha. ² Paxam payaputaneme xua pomonae pejume cowꝯntsiwi Jesucristo, barapomonae yabara paebina pomonae xua penatsicuentsiwi xua abe peexanaexae pomonaetha pomonae barapo nacuathepiwi. Barichi bexa tsane poxonae Cristo patopeicaena payabara paebiname pomonae barapo nacuathepiwi xua penatsicuentsiwa xua abe peexanaexae. Daxota anoxuae bewa paexanaem xua payabara paebiname xua penatsicuentsiwa xua bequein bara conotha abe peexanaexae pomonaetha pomonae pejume cowꝯntsiwi Jesucristo po coyenein bara bequein

bichocono jopa abeyo. ³ Waxainchi yaputainchi xua bexa tsane wayabara paebiwa matatsunpiwi penatsicuentisiwa xua abe peexanaexae Nacomtha. Baxua exanaeinchi poxonae Cristo patopeicaena. Daxota anoxuae paca itacupa xua painya neyabara paebiwa xua penatsicuentisiwa xua abe painya nepaca tsita exanaexae pomonaetha pomonae pejume cowantsiwi xua wajinompaewa yabara barapo cae pin nacuathe.

⁴ Icha paxeiname po coyenein xua abe pacata exana pomonae irura pejume cowantsiwi, jopa bewa paponam ichaxota pon jiwi peyabara paebin jiwi xua penatsicuentisiwa xua abe peexanaexae pon jopa pejume cowantsin.

⁵ Baxua paca tsipaebatsi xua painya neauramnexa tsane. Pon ba peyaputaein bapon ba itacupatsi xua jiwi peyabara paebiwa pomonaetha pomonae xua penatsicuentisiwa xua abe peexanaexae, xua ichamonaetha abe peexanaexae pomonaetha pomonae iru pejume cowantsiwixae Jesucristo. Ichitha poxonae paponame ichantha pontha pon jiwi peyabara paebin xua penatsicuentisiwa xua abe peexanaexae, pon jopa pejume cowantsin, apara jopa xapain paexanaem. ¿Metha bara painyamonaе jiwana pin dapocotsin yatsicaewa aibi jampa pon jiwi peyabara paebin xua penatsicuentisiwa xua abe peexanaexae jampa?

⁶ Ponbe paxam jiwana pam, ponbe pejume cowantsinbe Jesucristo, baponbe nababe. Ichun xua baponbe jiwana pona ichaxota pon jiwi peyabara paebin pon jopa pejume cowantsin, xua peyabara paebinexatsi pon abe peexanaexae ichantha.

7 Poxonae paxeineibame po coyenein xua pana nabeibame xua daxota paponeibame pontha pon jiwi peyabara paebin baxua abe paexaname. Poxonae ichamonae abe pacata exana saya bara pacui yabara copabare. Jame baxua pacata xanepana. Bapoxonae jopa painya nenantawenonaewa xua painya neponaewa pontha pon jiwi peyabara paebin xua penatsicuentsiwa xua abe peexanaexae. Barichino poxonae ichamonae paca caiba saya bara pacopare xua jopa abe painya neexanaenexa tsane bapomonaetha. ⁸ Payopitame xua pinae painyamonaе pacata abe exana, yawa xua pinae paca caiba. Ichitha apara paxam bara paichim abe paexaname, xua poxonae paponame pomonaetha pomonaе jopa pejume cowantsiwi xua peyabara paebinexatsi pomonaе abe pacata exana.

9-10 Paxam payaputaneme xua pomonaе abe peexanaewi jopa patsi tsane Nacom pia peitorobi nacua beicha. Painya xoba pana nayabara cui copatame xua painya coutha painya nena-muxuitorobiwa barapo coyene yabara xua daxota pananta xeiname xua barapomonaе apara patsina Nacom pia nacua beicha. Pomonaе jopa patsi tsane Nacom pia peitorobi nacua beya xua peexanaexae po coyenein xuaje: Pomonaе pesi cui weiweinae jiwi, pomonaе wnae pe-jainchiwi ibo nacomn, iru pomonaе penotsiwi yabuxi powaxi bara bequein pia pebiwi xeina, iru po pebiwi cae pebiwi penaisa maichiwi, iru pomonaе pecaibi jiwi, iru pomonaе jimn jiwi xua ichichipa copei xeinaewi naexana beyacaincha

xua ichamonaē, iru ru pomonaē nacupa penaex-
anaewi, peatsaxa meran, irano pomonaē jiwī pe-
biataewi, irano pomonaē peyabara muxuitorobi
jiwī pecaibinexa. ¹¹ Copiyatha paxam be bara-
pocotsi jiwimonae pam xua poxonaē matha aena
pajume cowantame xua abe painya neexanaē jiwī
pam. Daichitha Nacom paca yabara jantemaina
abe painya neexanaē cuiru coyenein. Matautano
Nacom paca yabara caunuta jeye: “Tapexui-
monae jiwī”, paca yabara jei. Matautano Nacom
jopa painya tsita natsicuentsiwa xua abe painya
neexanaexae. Nacom pia Pejumope tana ru tatsi
iru Jesucristo pacata exana baxua xua poxonaē
pajume cowantame Jesucristo pon jiwī Pecana-
mataxeinaein.

*Meje xua Pablo jei: “Wapepon Nacom piawa”,
jei*

¹² Jiwī ba jeye: “Xan necopata xua bara
taexanaewanexa pocotsiwa xua ichichipan”, jei.
Bara bequein xainyei jiwī xua pepaebiwa, ichitha
ichacuitha barapo jiwī jopa xapain pia coutha
nata exanaetsipae. Bequein barichin bequein
necopata xua bara daxita taexanaewa, daichitha
ichacuitha jopa xapain nata exanaeinchipae
xua poxonaē icha nanta xeinaetsipan xua jopa
neitacupaeyo xua bara tana necui copatsiwa.
¹³ Bara jiwī ba xainyeya paeba poxonaē jeye:
“Pexaewa wanae xua pecotsoro nexa, iru
pecotsoro wanae xua pexaewa nexa”, jei.
Ichitha bexa tsane Nacom weraweraca cana
exanaena barapo naxobe jumebe. Nacom
apara jopa nacata exanaeyo wapepon xua
wapepon abe wanata exanaewa xua wanasi

cui taetaewa. Wapepon Nacom exana xua pia coutha natsiexana, xua watanacuichinexa bapon, pon jiwi Pecanamataxeinaein. Nacom yawena xua wapepon yawenatsi xua pia wanaca capanepaenexa. ¹⁴ Icha Nacom ichi xua asu exana petupae cuiru coyene weya pon jiwi Pecanamataxeinaein Jesucristo, Nacom bara naca ichi tsane, asu naca exanaena petupae cuiru coyene weya pia peayapusu itorobi coyeneyatha.

¹⁵ Paxam Corinto tomarapiwi pam. Payaputaneme xua daxita carepaya paxam Cristo piamonae jiwana tatsi pam, pomonae pejuntu coyene xanepanae jiwi. Xan iru barapo pejuntu coyene xanepanae jiwi piamonae jiwanan tatsin. Daxota jopa benatsiperu jayababinyo powaxitha powaxi pesi cui weiweinaewaxi, tsipei tapepon apara Cristo tatanacuichinexa bapon. ¹⁶ Paxam payaputaneme icha pebin natsiperu jayababa powatha powa penasi cui matacaetsiwa baraponbe bara be caeinbe naexanabe. Nacom Pejume Diwesitha jeye: “Poxonae pebin piowa pita bara be caein naexanabe”, jei Nacom Pejume Diwesitha. ¹⁷ Poxonae ichun cae juntu coyene naexana Cristotha pon jiwi Pecanamataxeinaein, bapon bara apara caein naexana Cristotha pia pejuntu coyenewatha.

¹⁸ Painya xoba paexanaename icha pocotsi coyeneya ichi xua peexanaewa pomonae pesi cui weiweinaewi. Daxita po coyenein pebiwi exana xua abe peexanaewa apara jopa pia coutha abe nacana exanaeyo. Apara jame ichuntha abe exana. Saya jame poxonae pebiwi pesi cui weiweinaewi bapoxonae barapo pebiwi pia coutha

abe nacana exana. ¹⁹ Paxam payaputaneme xua Nacom pia Pejumope tɨnaxɨ tatsi paca barɨ jinompa pia paca nacana jumope tɨnaxɨ catsixae paxamtha. Icha barapo Nacom pia Pejumope tɨnaxɨ tatsi ichi xua paca barɨ jinompa, barichi barapo Nacom pia Pejumope tɨnaxɨ tatsi popona Nacom pin pia botha tatsi. Tsipei anoxuae Nacom piamonaexae tatsi pam, apara paxam jopa painya coutha painya nenacanamataxeinaewi jivi pam. ²⁰ Nacom bayatha pacata pematomatsiwa exana xua poxonae Jesús naetotha painya nepaca tsitɨpaewa xua abe painya neexana cuiru coyenein. Daxota beta pajume cowantsiya jinompare ichamonae petitɨtha tatsi. Bapoxonae barapomona Nacom barɨ cui itura jinatsi xua pon xanepanaya peexanaein poxonae paca cui tane xua xanepanaya pajinompame.

7

Meje xua Pablo yabara muxuweta xua jitha peenaewa yabara

¹ Anoxuae paca jume notatsi po peyainyabiwa pana yainyabame cartatha. Icha pebin jopa jitha beecaeyo bɨ bara moya jopa jitha ecae tsane, bequein bara baxua taxanepanatsi bapon.

² Ichacuitha poxonae pebin jopa jitha ecaeyo besi cui weiweinaena powatha xua bequein pia pebin xeina. Daxota pecuiyainwa barapo coyene bapon bewa jitha ecaena, xua barompaya piowa tatsi. Barichi daxita yabɨxi bewa barompaya seicaya notsina pia pebiwi. ³ Pebin bewa bara

exanaena piowatha xua poxonae peisa maitecaae coyenewa. Barichir_u yab_uyo bewa bara exanaena pia pebintha xua poxonae petsicuara maitecaae coyenewa. ⁴ Petsiriwa powa jitha eca, jopa bewa nayabara nanta xeinae xua penaper_u xeinaewa xua saya pia coutha nexa. Jame bewa nanta xeinae xua apara bara pia pebin tatsi pia per_uto tatsir_u. Barichi pebin jopa bewa nayabara nanta xeinae xua penaper_u xeinaewa xua saya pia coutha nexa. Jame bewa nanta xeinae xua apara bara piowa tatsi pia per_uto tatsir_u. ⁵ Petsiriwa jopa bewa aichaxaibi tsane xua isa maiteca pia pebin. Pebin ir_u jopa bewa aichaxaibi tsane xua piowa peisa maitecaewatsi. Poxonae pebin piowabe eenatsibe caentacabiyobetha xua Nacomtha w_ucauyabe bapoxonae baponbe itac_upat_usi xua itompa exanaenabe xua peexanaewa po coyene penaisa maitecaae cui coyenewa. Saya caentacabiyobetha baxua bewa itompa exanaena po coyene xua penaisa maitecaae cui coyenewa. Jame poxonae po mataqueitha najume wetsina xua Nacomtha pew_ucaewabe bapoxonae jame bara bewa exanaenabe equeicha penaisa maitecaae cui coyenewa. Baxua bewa exanaenabe xua jopa pej_unt_u coyene juj_utsinexa tsainchibe caurimonae pia pentacaponaein tatsi xua abe peexanaenexa tsanebe xua naitompa penaexanaexaebe.

⁶ Saya baxua paca muxuwetatsi apara xua jitha painya neenaewa xua daxota jopa abe painya neexanaewa tsane. Jopa apara paca itorobichi daxita pam xua jitha painya neenaewa. Bara moya jitha ecaena pon ichichipa. ⁷ Ichichipan xua

daxita jiwí jinompa dubenanaebiyaena icha po coyeneya ichin xua poxonae poponan xua jeinya ecan. Daichitha Nacom cata daxita jiwítha xua daxita jiwí barompaya pia cui coyenewan xex-eina tsiniya. Po coyenein xua Nacom cata daxita barompaya jiwítha jopa nacui coyene jupaeyo.

⁸ Pomonae pemisa dubenaewi pam iru powaxi painya seuriwi painya necacuenta werapaewaxi-chi pam, daxita barapomonae pam paca tsipae-batsi. Bara wuna tsipae icha jopa jitha paenaemt-sipae icha be xan ichin xua jopa jitha taecaewa.

⁹ Ichitha icha jopa paca itacupaeyo xua painya nejeinya enaewa moya bara jitha bewa paenaem. Jame baxua pacata xanepana xua jitha paename xua daxota jopa painya nesi cui weiweinaewa.

¹⁰ Ichitha pomonae xua bayatha jitha painya neenaewi pam barapomonae pam paca itorobatsi. Jopa apara taitorobi coyeneya paca tsipae-bichi. Jame apara Nacom taneitorobixae xua po coyeneya tapaca catsipaebinxatsi. Paca jeichi: “Yabuyo jopa bewa cuenta warapaena pia pebin xua pexubinexa”, paca jeichi. ¹¹ Powa punaxuba pia pebin, barapowa bara misa ecaena. Jopa pitsi tsane icha pebin equeicha. Metha jame xanepanaetsipa icha bapowa caewa pichapa pia pebin. Barichi pebin jopa bewa punaxubi tsane piowa.

¹² Anoxuae nama icha coyene paca tsipaebatsi po coyenewa jopa Nacom neitorobiyo saya xua tacoutha tananta xeinaewa. Icha pebin pon pejume cowantsin xeina piseuri powa jopa pejume cowantsiwayo bapon jopa bewa punaxubi tsane bapowa icha bapowa ichichipa

xua bapon pebarꝰ poponaewatsi. ¹³ Barichi icha yabꝰyo powa jume cowꝰnta xeina pebin pon jopa pejume cowꝰntsin barowa jopa bewa punaxubi tsane icha bapon ichichipa xua barowa pebarꝰ poponaewatsi. ¹⁴ Po pebin bequein jopa jume cowꝰntsiyo, Nacom tsitatsi xua po coyene barapon penacoyobiwa bara xanepana, tsipei bapon piowa xeina powa pejume cowꝰntsiwayo. Barichi powa jopa bequein pejume cowꝰntsiwayo, Nacom tsitatsi xua po coyene barapowa jitha peecaewa bara xanepana, tsipei barowa xeina pia pebin pon pejume cowꝰntsin. Icha Nacom barapocotsi coyeneya jopa exanaetsipae nexata painya pexui be pomonae jopa Nacom pejume cowꝰntsiwi pia pexui tatsi tsipae. Ichitha poxoru barapo coyene painya netsita xeinaexae Nacom daxota Nacom yawa muxuna tsitatsi xua barapo painya pexui barapoxi jꝰntꝰ coyene xanepanena. ¹⁵ Ichacuitha pebin pon jopa pejume cowꝰntsin ichichipa punaxuba piowa powa pejume cowꝰntsiwayo. Baroxonae barowa bara copata xua pepunaxubiwatsi pia pebin. Barichi ichacuitha yabꝰyo powa jopa pejume cowꝰntsiwayo ichichipa punaxuba pia pebin pon pejume cowꝰntsin. Baroxonae bapon bꝰ bara copata xua pepunaxubiwatsi pia petsiriwa. Nacom copata barapomonae jopa pejume cowꝰntsiwixaetsi xua piseuriwi pepunapentsiwa tsipei ichichipa xua jꝰntꝰemiya wanabarꝰ jinompaewa tsane saya. ¹⁶ Yabꝰyom icha ewatsiwatham tsipae xua jinya pebin pejume cowꝰntsinexa, daichitha jopa jume cowꝰntsipae

Nacom. Barichi pebim icha ewatsiwatham tsipae xua jinseuri pejume cowantsinexa, daichitha jopa jume cowantsipae Nacom.

¹⁷ Daxita paxam bewa xanepanaya pajinompaname icha pocotsi coyeneya Nacom painya nepaca catsixae tsane. Baxua bewa paexanaename xua po coyene Nacom paca yabara tsiwaba bara bequein painya seurixi paxename ichacuitha bara metha bequein jopa paxeinaem tsane painya seurixi. Baxuan cuiduban daxita carepaya penacaetutsi bontha pomonae Nacom pejume cowantsiwichi.

¹⁸ Ichacuitha Nacom waba xua pebin wabatsi pejume cowantsinexa tsane. Icha barapo pebin caena bayatha wi thabatsi bu saya barabu tsane baxua. Barichi ichacuitha Nacom waba xua pebin wabatsi pejume cowantsinexa tsane. Barichi icha barapocotsi pebin caena bayatha jopa wi thabichi bu saya barabu tsane baxua xua jopa pewi thabinexatsi.

¹⁹ Bapana Nacom jopa tsita ainya cuichi, metha bequein pebin bayatha wi thabatsi, ichacuitha metha bequein jopa wi thabichi. Po coyene xua peainya cui coyene xua jiwu bewa exanaena, jame maisa bewa jiwu jume cowantsiya exanaena pocotsiwa Nacom itoroba.

²⁰ Daxita paxam bewa jupa paexana dubenanaebiyaname icha copiya paichim xua paexana dubenanaebiyame poxonae copiya aena Nacom paca waba. ²¹ Poxonae Nacom waba pon paxam jiwana pam xua poxonaeru bapoxonae amanaya tanacuita pia pentacaponaein, bapon jopa bewa yabara nantu exabi baxuan xua pia saya poponaetsi. Ichitha icha bapon

itacɤpatsi xua saya pepoponaewa bu moya saya popona xua jopa penantawenonaenexa tsane xua amanaya petanacuichiwa ichɤn. ²² Barichi ichacuitha pon bayatha exanatsi xua amanaya petanacuichinexa ichɤn bapon jume cowanta Jesús. Bapoxonae bapon naexana pon saya pepoponaein pia pentacaponaein weya, peexanaenexa pocotsiwa Cristo itoroba. Barichi ichacuitha pon saya pepoponaein xua jopa amanaya tanacuichiyo ichɤn bapon jume cowanta Jesucristo. Bapoxonae bapon naexana pon Jesús amanaya pia petanacuitinchi tatsi tsipei exana pocotsiwa Cristo itoroba. ²³ Nacom pin matomatha pacata matomata poxonae Jesús naetotha paca tsitɤpa abe painya neexanae cuiru coyenein nexa. Painya xoba pacopatame xua jiwi equeicha caewa painya nepaca itorobiwa xua abe painya neexanaewa. ²⁴ Tamonae pam daxota paca itorobatsi xua painya nejume cowanta dubenanaebiyaenexa Nacom, icha paichim xua pajume cowanta dubenanaebiyame poxonae copiya Nacom aena paca waba.

²⁵ Jopa xeinaeinyo po jumetha xua tacueicuei-jeiwa po coyenewa xua Nacom pon jiwi Pecanamataxeinaein neyaputane exana xua pomonae piseuriwi penotsiwi nexa. Saya apara paca tsi-paebatsi po coyeneya xua saya tacoutha tananta xeinaewa. Ichitha paxam paca itacɤpa xua pata tana nejume cowantsiwam tsipei Nacom necata barapo peyaputae coyenewa tana neantobexae. ²⁶ Xan tacoya nanta xeinan xuaje: Bara bewa saya jiwi jeinya enaena. Jopa jitha peenaewa tsane, tsipei anoxuae barapo dapaetha xeinatsi

nawita po coyenein bichocono nacata ayapube tsounae xua wanapapeichiwatsi. ²⁷ Icha jitha paename painya xoba pana napunapentame. Barichi icha pajeinya ename painya xoba pasi cui weiweiname. ²⁸ Icha jitha paename jopa apara bara abe paexanaem. Ir_u icha yab_uyo jitha eca bapowa apara jopa abe exanaeyo. Daichitha pomonae jitha peenaewi bichocono taayapubetsi xua pejinompaewa nexa barapo cae pin nacuathe. Xan ichichipan paca yawenatsi daxota baxuan yabara paca tsipaebatsi xua pacata ayapubeyainwa xua jitha painya neenaewaxae tsipae.

²⁹ Tamonae pam, paxam pomonae ir_u painya nejume cow_untsiwixae Jesucristo. Po coyenewa xua ichichipan tapaca tsipaebiwatsi tsainchi xua meje xua janje: “Waxainchi pin dapae jopa xeinae tsainchi po mataqueitha poxonae Jesús patopeicaena”, jan. Daxota pomonae jitha ena bewa jinompa dubenanaebiyae icha be poxonae ichi poxonae xua jinompa dubenanaebiya pomonae jeinya peenaewi xua xaniwaicha Nacom daunweya petanacuichiwatsi. ³⁰ Daxita jiwí bewa eenaetsi xua Nacom petanacuita dubenanaebiyaewatsi. Daxota pomonae anth_uth_utanane xua pewecoyeixae b_u barapomonae jinompa icha ichi xua jinompa pomonae jopa anth_uth_utaneyo xua jopa pewecoyeixae xua daunweya penacuichixae Nacom nexa. Barichi pomonae xua bichocono j_unt_u coyene weiweina b_u barapomonae jinompa icha ichi xua jinompa pomonae jopa j_unt_u coyene weiweinaeyo xua daunweya penacuichixae Nacom nexa. Barichi pomonae xua pecomoca dubenanaebiyaewi b_u

barapomonaē jinompa icha ichi xua jinompa pomonaē jopa pecomoca dubenanaebiyāewi xua daunweya penacuichixāe Nacom nexa. ³¹ Poxonaē cataunxuae pajinompame barapo cae pin nacuathe jopa paichichipa dubenanaebiyāeinde pocotsiwan xua barapo cae pin nacuathe xeina. Tsipei pocotsiwa barapo cae pin nacuathe xeina daxita weraweracaena.

³² Ichichipan xua bichocono jopa painya neyabara nanta xeinaewa pocotsiwa barapo cae pin nacuathe xeina xua paca jūntu deidei jei exana. Po pebin jeinya eca itacupatsi xua penajūntu coyene eena exanaewa xua petaxanaewatsi Nacom pon jiwi Pecanamataxeinaein. Barapo coyene Nacom jūntu coyene weiweina exanatsi. ³³ Po pebin jitha eca bapon bichocono yabara eenatsi nawita xua yabara nanta xeina nawita xua po coyeneya piseuri peewatsiwa xua daxota bapowa piseuri peyabara baru jūntu coyene weiweinaenexa.

³⁴ Barapon barapo naxobe coyenewabe muxuna yawa nanta xeina. Barichi yabaxi powaxi jeinya ena iruru powaxi jitha ena barompaya tsanaya piawan yabara nanta xeina. Powa xua bapana jopa jitha ecae bapowa itacupatsi xua penajūntu coyene eena exanaewa xua petaxanaewa po coyene Nacom ichichipa pon jiwi Pecanamataxeinaein. Barapowa ichichipa exana xua Nacom pejūntu coyene weiweina exanaewatsi tsainchi pocotsiwa xua bapowa peexanaewaxae xuano bapowa pocotsiwa penanta xeinaewaxae. Ichitha nama powa jitha eca bapowa bichocono yabara eenatsi nawita xua

yabara nanta xeina nawita xua po coyeneya pia piseuri peewatsinexa xua daxota bapon piseuri peyabara bara juntu coyene weiweinaenexa.

³⁵ Baxua paca tsipaebatsi tsipei ichichipan xua tapaca cayawenaewatsi. Apra jopa paca itorobichi xua jopa painya nenotsiwa tsane painya seuriwi. Ichichipan xua beta painya nejinompaewa xua painya netanacuita dubenanaebiyaenexa Nacom daxita painya juntu coyeneintha.

³⁶ Pebin iru yabayo nanta xeinabe xua penapichinexa tsanebe. Ichitha cataunxuae ewatabe xua penapichiwa tsanebe. Bapon ichichipa nawita xua pepichiwa bapowa, iru petsiriwa bayatha wei weta. Daxota moya bara bewa napichinabe. Baxua jopa abeyo po coyene baponbe exanabe. ³⁷ Ichitha icha pebin itacupatsi xua jopa nantawenonaeyo xua pepichinexa pecotsiwa, xuano juntucuru jopa pichi tsane pecotsiwa, bara jemba tsane icha bapon pecotsiwa jopa pichi tsane. Bara saya jeinya ecaena. Bapoxonae bapon bara saya beta exana. ³⁸ Pon pecotsiwa pita beta exana bequein. Ichitha nama pon jopa jitha ecaeyo bapon jame bichocono beta exana beyacaincha pon pecotsiwa pita.

³⁹ Petsiriwa powa jitha eca powa pejume cowantsiwa bewa piseuri cuicuinaena poxonae cataunxuae jopa tatupaetsi piseuri. Icha pia pebin tatupatsi barapowa itacupatsi xua pichina icha pebin pon saya pejume cowantsin. ⁴⁰ Jame metha bapowa bichocono yatsicaewa juntu coyene weiweinaetsipa icha jopa equeicha pichipae

icha pebin. Bapoxonae bapowa bichocono juntu coyene weiweinaetsipa beyacaincha poxonae pita icha pebin. Baxua nanta xeinan xua saya tananta xeinaewa. Matautano iruru barichin jume cowuntan xua Nacom pia Pejumope tana xua tatsi tana nebaru poponaewa. Daxota neitacupa xua yabara tapaebiwa barapo coyenein.

8

Meje xua Pablo peyabara paebiwa pexaewa po pexaewa jiwi tajeba ibo nacomun

¹ Anoxuae ichichipan xua pexaewa yabara tapacata tinaewatsi po pexaewa jiwi tajeba ibo nacomun poxonae jiwi wuna jainteiba ibo nacomun. Bequein xainyei xua baxuan yabara yaputainchi, daichitha barapo peyaputae coyenewan naca atsaca exana. Ichitha jame po peantobe coyenewa xeinatsi apara naca yawena xua beta wanabaru jinompaewatsi. ² Pon xua nanta xeina xua pinae yaputane bichocono bapon apara taacoibichi pocotsiwa xua bapon bewa yaputaena. ³ Icha ichun Nacom antobetsi bara Nacom juntu coyene yaputane bapontha.

⁴ Daxota equeicha pexaewa yabara paca tsipaebatsi, po pexaewa jiwi tajeba ibo nacomun. Barapo pexaewa xuya ichamonae xane cotacaya. Waxainchi yaputainchi xua ibo nacomun jopa xaniwaicha xeinaeyo peayaruswa xua apara saya jiwi pecobetha forota. Jame nama yaputainchi pepa Nacom, pon compa. ⁵ Jiwi jume cowanta xua pinae pinmonae jinompa, pomonae nacomun, itabocotha, barapo cae pin nacuatheno. Barichino xua pinae pentacaponae wi jinompa

itabocotha barapo cae pin nacuatheno. ⁶ Nama waxainchi yaputainchi xua compa popona Nacom, pon Waxa. Daxita coyenein Nacom pia xainya werena tapichipapoinchi, bara bequein daxita baxuan Cristo forota Waxa nexa. Matautano Nacom naca cana exana pia watanacuichinexa bapon. Barichi meisa compa popona pon pepa jiwi Pecanamataxeinaein, bapon Jesucristo. Bapon Jesucristo daxita forota Nacom nexa. Waxainchi xeinatsi peajuntucoyenesuwa, po peajuntucoyenesuwa xua bapon naca cata.

⁷ Ichamonae pomonae pejume cowuntsiwi Nacom, jopa yabara yaputaeyo xua ibo nacomun. Barapomonae awiya nanta xeina xua ibo nacom peayarusuwa xeina bequein anoxuae barapomonae jume cowanta Nacom. Barapomonae bayatha pia cui xeina xua pexaewa tajebeiba ibo nacomun poxonae wunae jainteiba barapo ibo nacomun. Barapomonae abetha nanta xeina jeye: “Icha xaetsipan pewi po pewi ichamonae tajeba ibo nacomun metha neajuntucoyenebe cana exanaetsipa poxoru barapo pewi ibo nacomun piawa”, jei xua abetha nanta xeina. Bequein barapomonae jume cowanta Nacom ichitha jopa yaputaeyo xua ibo nacomun pia pexaewa jopa itacupaetsi xua ajuntucoyenebe cana exanatsi barapomonae icha jiwana xaetsipa barapo ibo nacomun pia pexaewa. ⁸ Pexaewa jopa naca yawenaeyo xua wanajuntucoyene xanepana exanaewatsi xua daxota Nacom wanaca weyataewa tsane. Icha waxainchi nabunatsi pexaewa jopa naca

yawenaeyo xua Nacom tsita jũntũ coyene xanepanatsi beyacaincha xua poxonaẽ jopa nabanaetsi. Barichi icha najainbotatsi baxua jopa naca yawenaeyo xua Nacom tsita jũntũ coyene xanepanatsi beyacaincha xua poxonaẽ nabũnatsi.

⁹ Paca itacũpa xua paxaneme xua pocotsiwa painya neichichipaewa. Icha pajiwana xaneme po pexaewa jiwi tajeba ibo nacomũn, baxua jopa paca tsita abeyo. Ichitha poxonaẽ paexaname baxua pomonaẽ ainya unthũton pexeinaewi, aena pejume cowũntsiwixae, barapomonaẽ tsita ayapubetsi. Icha barapomonaẽ xaena barapo pexaewa painya neexanaewaxae bequein barapomonaẽ tsitatsi xua abe peexanaewi poxonaẽ xane barapo ibo nacomũn pia pexaewa tatsi. Daxota painya xoba paexaname po coyene painya neichichipaewa.

¹⁰ Metha beya paca taetsipa pon pejume cowũntsin poxonaẽ panabaname pexaewa po pexaewa jiwi tajebeiba ibo nacomũn poxonaẽ wũnae jainteiba barapo ibo nacomũn. Irũrũ metha beya tsipae bapon naxaetsipa barapo pexaewa poxonaẽ bapon paca jain tane. Paxam pomonaẽ painya neyabara yaputaewi pam barapo pexaewa. Payaputaneme xua barapo pexaewa apara jopa itacũpaetsi xua jiwi ajũntũcoyenebe cana exanatsi. Ichitha pomonaẽ ainya unthũton pexeinaewi aena pejume cowũntsiwixae jopa yaputaeyo baxua yabara icha paxam paichim. Barapomonaẽ awiya nanta xeina jeye: “Icha barapo pexaewa xaein neajũntũcoyenebe exanaena”, jei.

¹¹ Ichacuitha paxaneme barapo pexaewa bequein payabara yaputaetham xua jopa abe paca cana

exanaeyo. Painya neexanaexae baxua xua paxaneme barapo pexaewa daxota bichocono abe paexaname pontha pon ainya unthuton xeina, pon abetha nanta xeina, jeye: “Icha barapo pexaewa xaein neajuntũ coyenebe exanaena”, jei. Daxota bapon payabara nanta xeinare xua apara irũ Cristo tsitũpa bapon icha ichi xua paca tsitũpa. ¹² Pacata jopa abeyo xua poxonae paxaneme barapo pexaewa. Jame apara abe paexaname poxonae irũrũ xane barapo pexaewa pomonae ainya unthuton xeina. Poxonae abe paexaname barapomonaetha apara bara irũ abe paexaname Cristotha, tsipei apara barapomona pomonae irũ pejume cowantsiwixae Cristo. ¹³ Metha beya xaetsipan pewito pocotsi wito xua ichũn, pon irũ pejume cowantsin yabara nanta xeineiba xua jopa bapana xae po pewi xua jiwi tajebeiba ibo nacomũn. Poxonae bapon nejain tane, bapon irũ xane, najuntũ coyene taxoba. Baroxonae abe exana cana exanan. Daxota metha xanepanaetsipa icha bapana jopa xaetsipaein equeicha barapocotsi wito xua jopa taexanaewanexa xua bapon abe peexanaewa tsane.

9

Meje po coyenein yabara pomonae Jesús pia peitorobi jiwi tatsi itacũpatsi xua peexanaewa

¹ Tajuntũ coyene jopa netsipaebiyo xua abe taexanaewa icha xaein barapo pexaewa xua jiwi tajebe ibo nacomũn. Ichũn jopa itacũpatsi xua yabara tana neitorobiwa barapo pexaewa tsipei xan Jesús pia peitorobi jiwi

jiwana tatsin. Xan bara yatsicaewa tan Jesús, pon Wanacanamataxeinaein. Paxam pajume cowantame Jesús daunweya tatanacuichixae pon jiwi Pecanamataxeinaein. ² Ichamonae jopa neyabara tsaqueinaeyo xua xan Jesús pia peitorobi jiwi jiwana tatsin. Jame paxam pana neyabara yaputaneme xua xan Jesús pia peitorobi jiwi jiwana tatsin. Painya nejume cowantsixae pon jiwi Pecanamataxeinaein ichamonae patsita itapeinya xeiname xua xan bara ponxaein Jesús tana neitorobin.

³ Baraxua jume notan pomonaetha pomonae yabara neyainyaba xua pinae icha bara metha yatsicaewa pon Jesús tana neitorobin. ⁴ Barapomonaetha janje: Bernabé iru xan bara pana neitacupabe xua pata wecobe noteibiwabe pocotsiwa xua jiwi pata necatsibiwabe pexaewa. Matautano pana neitacupabe xua pata wecobe noteibiwabe pocotsiwa paapan xua poxonae patanacuita ducuaenaebiyambe Jesús. ⁵ Matautano icha jitha ecaetsipan bara neitacupaetsipa xua tabaru ponaewa taseuri icha Jesús pia peitorobi jiwi tatsi ichi xua itacupatsi xua peexanaewa baraxua xua piseuriwi baru warapa. Iruu barichi Jesucristo pon jiwi Pecanamataxeinaein pia peweicho jiwi tatsi baxua exana. Iru Pedro exana baxua xua piseuri baru pona. ⁶ Poxonae ichamonae paca tsipaeba Nacom Pejume Diwesi, payawename barapomonae pocotsiwa penantawenonaewa. Paxanbe Bernabé iru xan panacuitanbe paxam nexa poxonae Nacom Pejume Diwesi paca tsipaebatsi. Ichitha jopa pana neyawenaem

pocotsiwa panantawenonanbe. Paxanbe bewa panacuichinbe icha penacuitsiwa yawa pata comocaenexa pocotsiwa panantawenonanbe. Meisa paxanbe baxua paexananbe, ichamonae jopa daichiyo. ⁷ Soldadomonaepin poxonae ba naba pia pentacaponaein nexa jopa ba natamatomatsiyo pia pexaewa. Pon ba jame itoroba apata pexaewa pia soldadomona. Barichi pon ba uva pabi nacuita itacupatsi xua yawa uva cuei xaexaepona. Barichirua pon ba vaca yapu eena bapon ba itacupatsi mipi yuyucapona vaca xua peapaponaenexa. ⁸ Saya jopa meisa jiwi yabara nanta xeinaeyo baxua xua pon tanacuita itacupatsi yawa xane. Apra irua Moisés pia peitorobi coyenewatha baxua yabara paebarua. ⁹ Moisés tina po diwesi pia peitorobi coyenewathaxae, xua jeye: “Poxonae po duwein pon pewuan buey nanacuitapona xua pexu xu taxunaunabapona, bapoxonae pebin jopa copatsiyo xua pecoibo acatsiwa xua jopa pexaenexa. Saya bara copatsina xua yawa xaexaeponaena poxonae nacuitapona”, jei. Nacom jopa yabara paebiyo baxua xua saya meisa poxoru peyabara nanta xeinaexae buey. Jame saya apra poxoru peyabara nanta xeinaexae jiwi. ¹⁰ Nacom pana necayabara jeta paeba poxonae buey yabara paeba. Baxua painta exana xua pata taneyawenaenexa. Pon ba nacobe weta xua uba pabitha, irurua pon xuya nota poxonae naweta, baponbe xeinaenabe pexaewa xua penawetsiwa. ¹¹ Paxan paca cuidubatsi Nacom Pejume Diwesi. Tsipei paca yawenatsi daxota bewa xuya pana necatsibim

pocotsiwa xua panantawenonan xua pata jinompaewanexa. ¹² Paxam pacatsibame pocotsiwa xua nantawenona ichamonae pomonae Nacom Pejume Diwesi paca cuiduba, ichitha paxan paca yawenatsi beyacaincha xua barapomonae paca yawena. Daxota bewa pana necatsibeibim icha paca w_hqueibichipatsi beyacaincha xua pacatsibeibame ichamonae.

Ichitha baxua jopa paexanaeinyo xua pata caw_hcaewatsi. Paxan bichocono paatanein xua jopa pata xeinaexae pocotsiwa xua pata nantawenonaewa pata jinompeibiwane bequein jopa paca w_hqueibichi. Jopa paca w_hcaetsi tsipei jopa paichipaeinyo xua jopa painya nejume cow_hntsiwa Cristo pia pexeinya jume diwesi. Jopa paca w_hcaetsi poxoru metha pananta xeinaetsipame xua paxan apara pata paratixichi paca tsipaebatsi Nacom Pejume Diwesi. ¹³ Paxam payaputaneme xua pomonae ba nacuita Nacom pin pia botha barapomonae ba apatatsi pexaewa Nacom pin pia botha. Barichir_h pomonae ba nacuita ichaxota iboto uncua po ibototha duwein bexuba xua tauta xua petuxusi exanaenexa Nacom nexa barapomonae ba itac_hpatsi xua xuya penabanaewa barapo duwein xua saya jiwana xane. ¹⁴ Barichi Nacom pon jiwi Pecanamataxeinaein jeye: “Pomonae inta nacuita xua paeba dubenanaebiya tacapanenebiyae diwesi jume, barapomonae apatatsi pexaewa xua poxonae ichamonae apateiba be pematomaqueibiwatsi tsipei barapomonae cueicueijej_h tsurubenanaebiya tajume diwesi”, jei Nacom. ¹⁵ Ichitha jopa bapana

wucaeinyo jiwi xua tana apatsinexa pexaewa xua be tanamatomatsiwa. Pacata tinatsi xua jopa tapaca wucaewatsi. Ichichipan xua tatupaewa tsane pewunaeya xua poxona tapaca wucaewatsi tsainchi. Bichocono juntu coyene weiweinan poxona tapaca tsipaebiwatsi Nacom Pejume Diwesi. Yaitama jopa pana necatsibeibim xua be pata tanematomaqueibiwam, daxota atsaquiya paca tsipaebatsi.

¹⁶ Jopa neitacupaeyo xua atsacan xua tacueicueijeixae Nacom pia pecapanenebiyae diwesi jume. Nacom neitoroba xua bewa tacueicueijejiwa tsane barapo diwesi. Ichitha xan tsocuaein tsipae icha jopa cueicueijan tsipae barapo diwesi! ¹⁷ Bequein icha Nacom jopa neitorobichipae xua saya xan tacoutha tsipaebaponaetsipan Jesucristo pia pexeinya diwesi nexata ewatsipan xua jiwi tanematomatsinexa tacueicueijeixae barapo diwesi. Ichitha jame tsipaebaponan pexeinya jume diwesi Nacom tana neitorobixae. Jume cowantaponan be pocotsi coyeneya Nacom neitorobapona. ¹⁸ Daxota xua be tanematomatsiwa apara xua poxonae juntu coyene weiweinan tapaca tsipaebixaetsi barapo Nacom Pejume Diwesi bequein metha jopa pana catsibeibichipaem xua patanematomatsiwam, matautano metha poxonae bara tapanecatsibeibichipaem pocotsiwa tapanematomatsiwam. Paxam jopa pana necatsim pocotsiwa be pata nematomatsiwam. Jopa paca wucaetsi bequein bara neitacupa xua tapaca wucaewatsi pocotsi

matoma bewa panecatsibeibim. Bara pocotsi matoma jiwi bewa catsina pomonaetha pomonae Nacom Pejume Diwesi tsipaebatsi xua pejinompeibiwa tsane.

¹⁹ Bequein jopa bewa amanaya tanacuichin tsane ichun, ichitha tacoutha nacana exanan be pon amanaya tanacuichin daxita jiwi nexa. Barapo coyene exanan xua pinmonae pejume cowantsinexa Cristo. ²⁰ Poxonae poponan judiomonae pia xantha tatsi, exana ducuaenaebiyen icha be barapo judiomonae ichi xua exana dubenanaebiya pocotsiwa Moisés itoroba pia peitorobi coyenewatha. Bara pocotsi coyenein exanan xua Moisés itoroba, bara bequein jopa bewa exanaein tsane. Saya exanan tsipei ichichipan xua tayawenaewa xua barapomonae pejume cowantsinexa Cristo Jesús. ²¹ Poxonae poponan pexantha tatsi pomonae jopa exanaeyo pocotsiwa Moisés pia peitorobi coyenewatha itoroba, bapoxonae popona ducuaenaebiyen icha barapomonae ichi xua jinompa dubenanaebiya. Bapoxonae jopa exanaeinyo pocotsiwa Moisés pia peitorobi coyenewatha itoroba, xua barapomonae tayawenaenexa, xua pejume cowantsiwanexa Jesús. Jopa paca tsipaebichi xua tajume naitematsiwa Nacom xua tana neitorobiwa. Jame bara exanan pocotsiwa Cristo neitoroba. ²² Poxonae poponan pexantha tatsi pomonae juntu coyene faefaena Nacomtha xua pejume cowantsiwa xua aena pejume cowantsixae bapoxonae exana ducuaenaebiyen icha barapomonae ichi xua exana dubenanaebiya

tayawenaenexa xua equeicha bichocono mataropeicha pejume cowantsiwanexa Jesucristo. Daxita carepaya jiwitha peitatha poponeiban, poxonae be pocotsi coyeneya jinompeiba barapo jiwi tayawenaenexa xua equeicha bichocono mataropeicha pejume cowanteibinexa Jesucristo. ²³ Daxita baxuan exana ducuanabeiban tacueicueije tsaibinexa Nacom pia pecapanenebiyae diwesi jume, matautano tsipei ichichipan xua tajantı coyene weiweinaewa tsane poxonae barapomonae jume cowantsina Jesucristo.

²⁴ Paxam payaputaneme poxonae jiwi ba namtotha cuinaepona saya caein meisa copiya patopa. Bapon ba catatsi pocotsiwa pematomatsiwatsi copiya pepatopaexae xua beta cuinaepona. Bara pocotsi jıta coyeneya ichi, beta pata exanaponde Jesucristo pia petanacuichiwa tatsi xua painya nepaca catsibinexa xua painya nepaca matomacaewan. ²⁵ Pomonae ba xua nacui wınaeta xua penaxenacaenexa ichawa jopa exanaeyo pocotsiwa taayapubetsi poxonae pecuinaeponaenexa. Barapomonae ba baxua exana pia xeinaetsi pocotsiwa pecui yabara matomacaewatsi. Barapo pentoma noxu tepa pocotsiwa xua saya caena naxuba xua weraweraca. Nama waxainchi beta exanapoinchi Nacom pia petanacuichiwa tatsi, xua Nacom wanaca catsibiwa tsane pocotsiwa wanaca yabara cui matomacaewa, pocotsiwa xua ataya ayapusu xua jopa weraweracaeyo. ²⁶ Daunweya exanaponeiban Nacom pia petanacuichiwa tatsi be poxonae xua bichoına

cuinaeponan xua tatoxeincha patopaewa. Jopa exanaeinyo icha ichi xua pon naitacueinchiya jiraba. ²⁷ Ichitha nama seicayiya exanan xua tapepon daunweya tacoya naitoroban xua daxota jopa abe exanaeinyo. Tapepon itoroban xua tana nejume cowantsiwa xua peexanaewa pocotsiwa itoroban. Antayapusya tanacuitan Nacom tajunuwixae xua jopa beta taexanaewa xua bequein bara ichamonae cuidubithan barapo coyenein. Icha jopa beta exanaeinchipae Nacom jopa tsita xanepanaeinchipae xua daxota taneitawetsiwa tsipae.

10

Meje xua Pablo muxuweta pomonae wɥnae jainta ibo nacomɥn

¹ Tamonae pam, paxam pomonae irɥ painya nejume cowantsiwixae Jesucristo. Ichichipan xua painya neyaputaewa tsane po coyene xua poxonae wamo susato jiwitha pecana exanaewatsi. Barapomonae Egipto nacua weya pona. Bapoxonae tsaquinaebowa matatsun dubenapoinchi. Barapo tsaquinaebowa barapomonae matacapoinchi xua ichaxota ichichipa peponaewa barapomonae. Daxita barapomonae icha muxunene beera ɥncababiya po pin pucua pewɥn Mar Rojo wɥn pucua. Barapo pin bicheito epataɥta iyapona xua poxonae Nacom tsewa taexaniya xua be namto taexaniya.

² Barapomonae tsaquinaebowa be caemonae matatsun dubenapoinchi. Mataɥta barapomonae be caemonae Mar Rojo wɥn pucua epataɥta

iya pona. Barapoxonae be caemonae naexana Moiestha xua Moisés pematacapanaenexa barapomonae. Barapomonae barapocotsi jata coyeneya exana icha be poxonae jiton ichi xua poxonae bautisabatsi mentha caemonae penaexanaenexa Cristotha, xua Cristo pecanamataxeinaenexa bapontha. ³ Daxita barapomonae xane po pexaewa Nacom taitorobica itaboco wetsica. ⁴ Yawano barapomonae apa po mera xua Cristo itoroba ira xuepana susato tsurucuae nacuatha. Barapo mera iboton weya mene pichapa. Cristo barapo mera apatapona poxonae yanta xua barapomonae yantatsi. ⁵ Daichitha pin bicheitomone xua barapomonae jiwana jopa exanaeyo pocotsiwa Nacom ichichipa. Daxota Nacom copata xua barapomonae bara pejiwana werapaponaewa tsane barapo ira xuepana susato tsurucuae nacuatha.

⁶ Baxua exana xua nacata yabara canaata jatsiya exana. Jopa bewa waichichipaewa tsainchi pocotsiwa jopa nacata wanaeyo xua icha barapomonae ichi poxonae pia coutha abe nata exana. ⁷ Daxota jopa bewa wanae pajainchim ibo nacomun icha be barapomonae jiwana ichi. Barapomonae wanae jainta ibo nacomun. Nacom Pejume Diwesitha barapomonae yabara jeichi: “Barapomonae ena xua pexaenexa yawa xua peapaenexa. Bapoxonae yatsicaewa barapomonae nawiraba ibo nacom tsita nawirabatsi”, jei Nacom Pejume Diwesitha. ⁸ Waxainchi jopa bewa exanaetsi xua nasi cui weiweina exanatsi icha be barapomonae

jiwana ichi. Barapomonaē jiwana nasi cui exana yabuxitha xua jopa piseurixi. Daxota caentaqueitha veintitrés mil pebiwi werapa abe peexanaexae. ⁹ Matautano jopa bewa najuntũ coyene jũjũta exanaetsi Nacomtha xua wanaca barũ anaepanaenexa, icha barapomonaē jiwana ichi. Barapomonaē najuntũ coyene jũjũta exana Nacomtha. Daxota Nacom copata xua barapomonaē werapa poxonaē jomon sinebatsi barapomonaē. ¹⁰ Jopa bewa Nacom anaepanaya barũ paebichi, icha be barapomonaē jiwana ichi. Barapomonaē Nacom anaepanaya barũ paebatsi, daxota Nacom copata xua barapomonaē weraweraca poxonaē matatsunpin juteba po matatsunpin jĩwi pejutebin.

¹¹ Nacom exana daxita baxuan barapomon-aetha, xua wanaca muxuweta exanaenexa xua jopa waraichiwanexa icha barapomonaē ichi. Moisés yabara tina barapomonaē xua yaputane wanaca exanaewa xua bara nama imoxoyo barapo nacue weraweracaena. ¹² Daxota tsipaeban pon paxam jiwana pam pon xua nayabara nanta xeina xua pinae bichocono pejume cowantsixae peajuntũcoyenesũwa xeina Nacomtha. Janje: “Dota jinya xoba abe exaname. Poxoru icha metha nanta xeinaetsipame xua jopa abe exanaem, bapoxonaē metha abe exanaetsipame”, jan. ¹³ Jopa meisa paxam caurimonaē pia pentacaponaein tatsi paca jũntũ coyene jũjũtsiyo. Barapara irũ ichamonaē pomonaē pejume cowantsiwi barichichi jũntũ coyene jũjũtatsi abe peexanaenexa. Paxam paca itacũpa xua rajũntũ coyene amanayabame

barapo caurimonae pia pentacaponaein tatsi. Baraxua paexaname icha barapomonae ichi xua jũntũ coyene amanayaba barapo caurimonae pia pentacaponaeintha tatsi. Daichitha paca itacũpa xua payabara jume cowũntame Nacom xua bara bapon paca yawenaena. Nacom jopa copatsiyo xua caurimonae pia pentacaponaein tatsi bichocono paca jũntũ coyene jũjũtsina xua pocotsiwa bichocono pacata ayapube xua daxota abe painya neexanaewa tsane. Ichitha poxonae caurimonae pia pentacaponaein tatsi paca jũntũ coyene jũjũta, Nacom paca yawenaena xua painya nerũcũpaewa bapon weya xua daxota jopa abe painya neexanaenexa.

¹⁴ Tamonae pam paxam pomonae irũ painya nejume cowũntsiwixae Jesucristo. Paxam pomonae tapaca caantobe jiwichi pam. Painya xoba wũnae pajaintame ibo nacomũn. ¹⁵ Paca tsipaebatsi paxam pomonae painya neyaputae jiwi pam. Paxam payaputaneme xua painya neyabara nanta xeinaewa pocotsiwa paca tsipaebatsi icha metha bara xaniwaicha paeban. ¹⁶ Waxainchi nacaetutatsi wayabara jũntanainaenexa xua Cristo wanaca tsitũpaewa naetotha. Bapoxonae apatsi vino mera yawa xainchi pan. Barapo vino mera Cristo pia pejana tatsi yabara caunutatsi. Mataũtano barapo pan Cristo pia pepon tatsi yabara caunutatsi. Poxonae apatsi barapo vino mera Nacom tsipaebatsi barapo vino mera nexa po vino mera tsijunta eca corotiyotha. Jeichichi: “Maisa Nacom painta pexeinya coyene exaname”, jeichichi. Bapoxonae be caemonae naexainchi Cristotha waapaexae

barapo vino mera. Barichi poxonaē pan janacatsi be caemonaē naexainchi Cristotha waxaexae barapo pan. ¹⁷ Bequein waxainchi pinmonaetsi xua cae pan nabar_u xainchi, ichitha waxainchi be caemonaetsi bapon Cristotha tsipei bara cae pan nabar_u xainchi.

¹⁸ Payabara nanta xeinare xua judiomonaē pomonaē Israel nacuamonaepiwi. Barapomonaē judiomonaē xane po duwein ichamonaē tauta xua petuxusi exanaewa Nacom nexa. Bapoxonaē barapomonaē be caemonaē naexana Nacomtha.

¹⁹ Jopa apara paca tsipaebichi xua ibo nacom xeina peajunt_uyapus_uwa. Matautano jopa paca tsipaebichi xua po wi jiwi tajeba ibo nacom_un ainya cui barapo wi beyacaincha xua icha pewi.

²⁰ Paca tsipaebatsi xua jiwi tajeba pewi ibo nacom_un pomonaē jopa yaputaeyo Nacom. Barapomonaē tajeba barapo pewi caurimonaē. Jopa apara tajebiyo Nacom. Jopa ichichipaeinyo xua caemonaē pana naexaname caurimonaē pijimonaetha. Metha baraxua paexanaetsipame poxonaē panabar_u xaneme pomonaē nacaetuta pexaenexa po wi jiwi tajeba ibo nacom_un. ²¹ Paxam panabaname pon jiwi Pecanamataxeinaein pia penabanaethopaewatha tatsi yawa xua paapameno. Jopa paca itac_upaeyo xua panabaname yawa xua paapameno ichaxota exanompa cauri pia cui coyene pomonaē jopa pejume cowantsiwi.

²² Icha waxainchi w_unae jaintatsi caurimonaē poxonaē xainchi po pewi jiwi tajeba ibo nacom bapoxonaē waxainchi exanatsi xua pon jiwi Pecanamataxeinaein naca caseba pia wanaca asiwixae. Waxainchi jopa xeinaetsi po peayapus_uwa

xua bichocono daunwei xua beyacaincha Nacom.

Meje xua Pablo yabara paeba xua bewa jiwi yabara nanta xeinae pewi poxonae xane

²³ Baraxua bequein xainyei poxonae jiton jeye: “Neitacapa xua taexanaewa pocotsiwa ichichipan”, jei bapon. Daichitha jopa daxita nacata wanaeyo xua pocotsiwa exanatsi. Bequein waxainchi naca itacapa xua waexana dubenanaebiyawa pocotsiwa xua waichichipaewatsi. Daichitha daxita baxuan jopa naca yawenaeyo xua wajume cowanta dubenanaebiyawa Jesús. ²⁴ Jopa bewa payabara nanta xeinaem xua saya painya coutha nexa xua painya nenayawenaenexam. Jame bewa payabara nanta xeinaem xua apara iru ichamonae painya neyawenaenexaru.

²⁵ Po pewi pacomoqueibame po wi jiwi caenaeta pecaenaetsi bontha, painya xoba matha payabara yainyabeibame barapo pewi. Jopa payainyabinde icha metha xua apara po wi bayatha jiwi tajeba ibo nacom. Jame bara saya itatemaya paxaibare. Xain bapoxonae painya juntu coyene jopa paca tsipaebiyo xua apara abe paexaname. ²⁶ Nacom Pejume Diwesitha jeye: “Barapo cae pin nacue yawa xua xuan xeina barapo cae pin nacuathe Nacom pon Pecana-mataxeinaein bapon piawan”, jei Nacom Pejume Diwesitha. ²⁷ Poxonae jiton pon jopa pejume cowantsin Jesús, paca tsiwaba pexawa xua pia paca baru xaetsi, icha paichichipame moya pana napuna xaema. Paxaema pocotsiwa xua pexaethopaewatha bobena. Jopa payabara

yainyabinde barapo pexaewa icha metha barapo pewi ibo nacom werena capona. Xain bapoxonae painya jũntũ coyene jopa paca tsipaebiyo xua apara abe paexaname. ²⁸ Ichacuitha metha ichũn paca tsipaebichipa, xua jeye: “Apara barapo pewi jiwi tajeba ibo nacom poxonae wũnae jainta barapo ibo nacomtha”, jei bapon. Bapoxonae painya xoba paxaneme barapo pewito. Tsipei icha barapo pewi pajiwana xaename abe exana pacana exaname pontha pon xua yabara paca tsipaeba barapo pewi. Poxoru ichamonae pomonae pejume cowũntsiwi Nacom, yabara nanta xeina xua apara jiwi abe exana icha barapo wi xane. Daxota bapon junuwa xua abe exana icha pexaewa tsane barapo pewito. Icha jopa baxua peitũtha paexanaem tsane bapoxonae bapon jũntũ coyene xanepanaya poponaena Nacomtha. ²⁹ Yabara paca tsipaebatsi po coyene xua ichũn yabara nanta xeina barapo pewi pejũntũ coyenewatha. Jopa apara yabara paca tsipaebichi po coyene paxam xua payabara nanta xeiname barapo pewi painya jũntũ coyenewatha.

Ichitha metha ichũn neyainyabichipa, jei tsipae: “¿Eta pocotsiwa metha nantawenonan xua taexanaewa pocotsiwa ichũn yabara nanta xeina barapo pewi?” jei tsipae. ³⁰ Equeicha metha bapon jei tsipae: “Poxonae pexaewa nabanen Nacomtha tsipaeban barapo pexaewa nexa, janje: Nacom, maisa jũntũ coyene weiweinan xua barapo pexaewa tanecatziwam, jan. Icha baxua exanan ¿eta pocotsiwa metha nexata ichamonae abe neyabara paeba poxonae xan barapo pexaewe?” jei tsipae. ³¹ Yabara paca

tsipaebatsi baraxuan daxita xua xuan painya neapaewan yawa daxita xua xuan painya nenabanaewan yawa daxita icha coyeneinno xua xuan painya neexanaewan daxita bara pocotsi coyenein beta paexaneibare xua daxota poxonae jiwi paca cui taibina bapoxonae jiwi wɥnae jainteibina Nacom. ³² Jopa paexanaeinde pocotsiwa xua abe paexaname xua pocotsiwa daxota ichamonae jɥpa exanaena. Baraxua jopa paexanaeinde judiomonaetha, irɥ pomonaetha pomonae jopa judiomonaetha naexanaeyo, irɥ pomonaetha pomonae Nacom pejume cowɥntsiwichi jiwanaemonaetha. ³³ Xan ichichipan beta taexanaewa po coyene xua ichamonae tsita xanepanatsi. Jopa exanaeinyo pocotsiwa xua tacoutha taichichipaewa. Saya meisa beta exanan po coyene ichamonae tsita xanepanatsi xua po coyenewatha barapomonae peyawenaenexatsi xua pecapanenebiyaenexatsi abe pia peexanae cuiru coyenein weya.

11

¹ Paexanaponde icha be pocotsi coyeneya ichin poxonae exanaponan, tsipei exanan pocotsiwa Cristo exanapona.

Meje xua Pablo yabɥxi yabara paeba powaxi poxonae ena penacaetutsi botha xua poxonae wɥnae jainta Nacom

² Tamonaetha pam paca weyatainchi tsipei paneyabara nanta xeinaponame xua daxita coyenyatha. Paxam paexana dubenanaebiyame pocotsiwa xua paca cuidubatsi. ³ Ichitha

ichichipan xua painya neyaputaewa xua Cristo canamataxeina daxita pebiwitha. Barichir_u daxita pebiwi barompaya piseuriwi canamataxeina. Barichi Nacom Cristo canamataxeinatsi. ⁴ Icha pebin nantasipa acata poxonae Nacomtha tsipaeba xuano poxonae cueicueijeji Nacom Pejume Diwesi, barapon Cristo jopa bar_u cui itura jinaetsi. Saya pia coutha aina cui nacana exana. ⁵ Jame icha yab_uyo jopa nantasipa acatsiyo xua poxonae cueicueijeji Nacom Pejume Diwesi, xuano poxonae Nacomtha tsipaeba, bapowa pia pebin jopa bar_u cui itura jinaeyo poxonae jopa nantasipa acatsiyo paparuwatha. Bapowa tsita itapeinya xeina xua jopa exanaeyo pocotsiwa pia pebin itorobatsi. Baraxua j_upa icha be poxonae ichi xua daxita matana sibatsi abe peexanaexae. ⁶ Icha jopa yab_uyo nantasipa acatsiyo bewa barapowa daxita nanta sibina. Ichitha icha barapowa aura xua penanta sibiwa daxota bewa nanta acatsina. ⁷ Poxonae Nacom exana pebin barapo pebin Nacom cui j_upatsi. Daxota barapo pebiwi xeinar_u barapo pecanamataxeinae coyenewa po coyenewa Nacom xeina. Pebin jopa bewa nantasipa acatsina poxonae Nacomtha tsipaeba, xuano poxonae Nacom Pejume Diwesi cueicueijeji xua daxota pebar_u cui itura jinaenexa xua Nacom pebar_u cui itura jinaenexatsi. Ichitha yab_uyo bewa bar_u cui itura jinae pia pebin, tsipei pia pebin canamataxeinatsi. ⁸ Poxonae Nacom forota jopa Nacom exanaeyo pebin yab_uyo weya. Saya jame Nacom exana yab_uyo pebin pexainya weya tatsi. ⁹ Nacom jopa forotsiyo xua pebin yab_uyo

tsiexanatsi. Jame Nacom forota xua yabũyo pebin tsiexanatsi. ¹⁰ Daxota yabũyo bewa nanta acatsina penacaetutsi botha. Vapoxonae bapowa tsita itapeinya xeina matatsunpiwimonaetha xua bapowa barũ cui itura jina pia pebin pecanamataxeinaexaetsi. ¹¹ Daichitha pomonae Nacom pejume cowũntsiwixae, pebin nantawenona yabũyo, irũ yabũyo nantawenona pebin. ¹² Bequein Nacom exana yabũyo pebin peyene weya tatsi, ichitha pebiwi ba nowaeumenapona yabũxi weya. Barapo naxobe coyenewabe Nacom forota, pebin yawa yabũyo.

¹³ Pananta xeinare xua icha bara xaniwaicha xua yabũyo jopa nanta acatsiyo poxonae Nacomtha tsipaeba penacaetutsi botha xua poxonae wũnae pejainchinexa Nacom. ¹⁴ Wacui coyenewa ba naca yaputane exana xua pebiwichi jopa bewa antanapiya naexanaetsi. Baxota ba aura naca exana. ¹⁵ Barichirũ wacui coyenewa ba naca yaputane exana xua yabũxi wũnae exana poxonae nantana copaba xua antanapipiya. Vapoxonae yabũyo pia pentanantana nantasipa acata. ¹⁶ Pon ichichipa xua yabara pana nejume matsontsonoba baxuan, pajanje bapontha: “Barapo coyene pacuiduban. Mataũta daxita penacaetutsi bonmonae jiwi pomonae Nacom pejume cowũntsiwi pebũũya pana nabarũ jũpaya nanta xeinan tsipei icha coyene jopa payaputaeinyo”, pajan.

Meje xua Pablo yabara paeba xua abe exana pomonae pejume cowũntsiwi Nacom poxonae

nainya xane po penabanaewa cayabara nanta xeina xua Jesús pia petsitupaewa jiwi

¹⁷ Pacata tinatsi anoxuae xua po coyenein yabara xua jopa tana neitacupaewa xua tapaca tsipaebiwatsi xua beta painya neexanaewa. Bequein pana nabarua nacaetutame ichitha painya juntu coyene jopa paca cana exanaeyo xua paayarusua tsozonaem. Maisa apara abe paexaname. ¹⁸ Copiya matha paca tsipaebatsi janje: “Ichun netsipaeba xua pinae poxonaе pana nabarua nacaetutame, wunaе painya nejainchinexa Nacom, pinae ainyamonaein tsanaya pana natsabame. Bapoxonaе pinae pana najume matsontsonobame”, jan. Nanta xeinan xua apara xainyei po coyene ichamonae netsipaeba xua paca yabara paeba. ¹⁹ ¡Moya ainya bicheiton pana naexande xain bapoxonaе pana najume matsontsonobame! ¡Xain bapoxonaе ichamonae tane xua ichamonae petaenexatsi pomonaе jopa irua najume matsontsonobiyo pomonaе xua beta peexanaewi! ²⁰ Bequein pana nabarua nacaetuteibame xua painya xaenexa pexaewa poxonaе pacayabara nanta xeiname xua pon jiwi Pecanamataxeinaein paca tsitupa, daichitha saya paxaneme. Apara jopa pacayabara nanta xeinaem barapo coyene. ²¹ Daxita paxam carepaya barompaya pia pexaewa nainya xane. Jopa pawunaе ewateibim ichamonae xua painya nenabarua xaenexa. Daxota ichamonae jainpa pomonaе cotacaya pata. Ichamonae bichocono tonsana beya poxonaе nacupa exana peatsaxa meran xua apa poxonaе muxuna xane pexaewa. ²² Apara paxeiname painya bon

ichaxota paca itacupa xua pana napena jubame. Baraxua be paaichaxaibim pomonae Nacom pejume cowantsiwichi pomonae penacaetutsi bomonae jiwi poxonae baxua paexaname. Aura paexaname pomonaetha pomonae peacopeibiwi pomonae jopa itacupaetsi xua capana pexaewa, pomonae cotacaya pepatsixae. ¿Eta paca yabara jumichicuae tsainchi? Paca yabara jei tsainchi: ¿Bara beta xanepanaya paexaname jan tsane? ¡Jume! Baxua jopa neitacupaeyo xua tapaca yabara paebiwatsi.

Meje xua Pablo yabara cuiduba pexaewa po pexaewa poxonae jiwi cayabara nanta xeina Jesús (Mt 26.26-29; Mr 14.22-25; Lc 22.14-20)

²³ Po coyene xua paca cuidubatsi baxua copiya Nacom necuiduba. Paca jeichi: Po merawitha Jesús caenaetatsi pon jiwi Pecanamataxeinaein, barapo merawitha Jesús pan pita pecobetha. ²⁴ Poxonae najume weta xua paxa tsipaeba xua jei: “Axa maisa juntu coyene weiweinan xua tanecatsiwam pan”, jei, bapoxonae pan epa janaca. Bapon barai pijimonae jeye: “Panore pan yawa paxaemano. Barapo pan neyabara caunuta xua tapepon. Tapepon inta atene exanaeinchi painya nepaca cayawenaenexa tsane xua painya tanejume cowantsiwaxaem tsane. Poxonae baxua paexaneibame xua paxaibame panecayabara jantanaineibare painya juntu coyenewatha”, jei Jesús xua pijimonae tsipaeba. ²⁵ Barichiya exana poxonae najain weta. Bapoxonae corotiyo pita pecobetha yawa jeye: “Pena petsiwanae muxu dutsi

coyenewa paca tsipaebatsi. Barapo uva mera po mera xua corotiyotha tsijunta eca, barapo uva mera yabara caunuta tajana xua jana othoparenaein poxonae tɔpaein. Barapo jana tsita itapeinya xeinaena xua jiwi pinmonae yabara jɔntemainaen abe pia peexanae cuiru coyenein tatsi. Daxita coyeneintha poxonae baxua paexaneibame xua paapeibame barapo uva mera, bapoxonae panecayabara jɔntanaineibare painya jɔntɔ coyenewatha xua tapaca catsitɔpaewaxaetsi”, jei Jesús, xua pijimonae tsipaeba. ²⁶ Daxita tsaibi poxonae paxaibame pan yawa paapeibameno barapocotsi uva mera xua tsijunta eca corotiyotha, jiwi patsita itapeinya xeiname xua Cristo pacui yabara jɔntanainame xua painya nepaca tsitɔpaewa. Baxua paexaneibare beya poxonae equeicha Jesús patopaetsica, pon jiwi Pecanamataxeinaen.

Meje yabara xua poxonae jiwi bewa beta exanae xua poxonae xane po pexaewa poxonae cayabara nanta xeinatsi Jesús

²⁷ Pon xane barapo pan xuano apa barapo uva mera xua tsijunta eca corotiyotha xua Jesucristo cayabara nanta xeinatsi icha bapon jopa jɔntɔ coyene xanepanaeyo Nacomtha, apara abe exana Cristotha. Bapoxonae bapon Nacom tsita xeinatsi xua penatsicuentsiwa xua abe peexanaexae Cristo pepontha tatsi xuano xua pia pejanathano tatsi tsipei bapon jopa barɔ cui itura jinaeyo barapo coyene. ²⁸ Daxota daxita jiwi bewa barompaya matha pewɔnaeya najɔntɔ coyene cayabara nanta xeinaena. Barapo jiwi bewa

nanta xeinaena icha metha bara xanepanaya exana beya poxonae xaena barapo pan xuano poxonae apa barapo uva mera xua tsijunta eca corotiyotha. ²⁹ Pon xane barapo pan xuano xua apa barapo uva mera xua tsijunta eca corotiyotha xua Jesucristo peyabara xaenexa ichacuitha bapon natsicuenta Nacomtha abe peexanaexae. Bapon natsicuenta Nacomtha tsipei matha jopa yabara nanta xeinaeyo barapo pexaewa xua apara bichocono ainya cui coyenewa xeina beyacaincha icha pexaewa. ³⁰ Daxota pinmonae pajiwana atenem xuano jopa xeinaeyo peajuntuyarusawa. Daxota ichamonae bayatha pajiwana werapame. ³¹ Poxonae apatsi uva mera xuano poxonae xainchi pan po pexaewa poxonae Cristo cayabara nanta xeinatsi, matha bewa najuntu coyene cayabara nanta xeinaetsi, xua icha metha bara wnae waexanaewa. Baroxonae xain Nacom jopa naca atene exanaeyo xua wanatsicuentiswaxae xua abe waexanaexae. ³² Bequein baxua Nacom nacata exana wanaca cuidubinexa xua equeicha xanepanaya waexanaenexa tsane. Nacom baxua nacata exanaena xua jopa wanaca yabara jeinexa: “Paxam abe paexaname icha ichi pomonae jinompa barapo cae pin nacuathe pomonae bichocono abe peexanaewi, pomonae jopa pejume cowuntsiwi”, xua jopa pewanaca yabara jeinexa.

³³ Daxota tamonae pam poxonae pana nacaetutame xua painya nabaru xaenexa po pexaewa xua poxonae Jesucristo cayabara nanta xeinatsi, matha abu ichamonae paewateibare.

34 Icha ichun jainpa bu bapon matha pia botha xane pewunaeya xua poxonae napatopaena penacaetutsi botha xua poxonae wuna jainta Nacom. Baroxonae itacupatsi xua bapon penaxaewa po pexaewa poxonae Jesucristo cayabara nanta xeinatsi. Baroxonae Nacom jopa peraxa jubu tsane bapon xua abe peexanaexae poxonae nanacaetuta pomonaetha pomona Nacom pejume cowantsiwichi. Poxonae paca siwa ponaeinchi xua tapaca taenexa tsainchi, baroxonae paca cuidubinchi pocotsiwan xua yabara pana neyainyabame.

12

Meje xua pejuntu cui coyenein yabara po pejuntu coyenein Nacom pia Pejumope tnanaxu tatsi amanaya cata daxita carepaya pomonaetha pomona Nacom pejume cowantsiwichi

¹ Tamona pam, paxam pomonae iru painya nejume cowantsiwixae Jesucristo. Yabara paca tsipaebatsi po coyene ichichipan xua painya neyaputaewa. Nacom pia Pejumope tnanaxu tatsi cata pejuntu cui coyenein daxita barompaya carepaya pomonaetha pomona Nacom pejume cowantsiwichi. ² Paxam payaputaneme xua abe paexaname pewunaeya poxonae pajume cowantame. Pacopatame xua bara ichamonae ichawa beya paca matacapona xua wuna painya nejainchinexa ibo nacomun, po ibo nacomun jopa cueicueijeio. ³ Daxota ichichipan xua painya neyaputaewa tsane xua poxonae jeye: Dapocotsin aibi, pon itacupatsi xua jeye: “Jesús apara jopa Nacom Pexanto tatsi”, xua poxonae

jei, icha bapon xeina Nacom pia Pejumope t̃nax̃ tatsi pia peayapus̃ itorobi coyenewa tatsi. Barichi dapocotsin aibi pon itac̃patsi xua poxonae jeye: “Bapon Jesús apara pon jiwi Pecanamataxeinaein”, xua poxonae jei, icha bapon jopa xeinaeyo Nacom pia Pejumope t̃nax̃ tatsi pia peayapus̃ itorobi coyenewa tatsi.

⁴ Jiwi itac̃patsi xua daxita carepaya barompaya pexeinaewa ainya j̃nt̃ cui coyenein pomonae pejume cow̃antsiwixae Nacom. Barapo j̃nt̃ cui coyenein jopa nacui coyene j̃paeyo. Bequein daxita jiwi xeina barapo coyenein daichitha bara saya compa pon pecatsixae apara bapon Nacom pia Pejumope t̃nax̃ tatsi.

⁵ Jiwi pomonae pejume cow̃antsiwixae Nacom, itac̃patsi xua daxita carepaya barompaya pexeinaewa ainya petanacuichi coyenewan Nacom nexa. Ichitha meisa saya bapon Nacom compa pon jiwi Pecanamataxeinaein daxitatsi waxainchi tanacuitatsi bapon. ⁶ Jiwi pomonae Nacom pejume cow̃antsiwixaetsi itac̃patsi xua pexeinaewa ainya cui coyenein po coyeneinya xua Nacom petanacuichiwatsi. Ichitha daxita barapo coyenein jopa nacui coyene j̃paeyo. Saya compa Nacom pon daxita barapo jiwi cana exanatsi xua peexanaewa daxitan barapo coyeneinyatha. ⁷ Nacom pia Pejumope t̃nax̃ tatsi tsita itapeinya xeina Nacom pia peayapus̃ itorobiwa tatsi. Baxua exana poxonae Nacom barompaya naca cana exana xua beta waexanaewa wayawenaenexa tsane daxita jiwitha. ⁸ Ichamonae jiwianatha,

Nacom pia Pejumope t̃nax̃ tatsi cata pej̃nt̃ cui

coyenewa xua po coyene barapomonaē pejuṅṅu
 coyenetha beta yaputane xua peexanaenexa
 pocotsiwa pecueicueijeīwa ichamonaetha.
 Barichi ichamonaē jiwānatha Nacom pia
 Pejumoṗe ṭṅaxṅ tatsi cata pejuṅṅu cui coyenewa
 po coyene xua beta pecuidubiwa po coyene
 peyaputaewa xua daunwei yabara yaputane
 pecana exanaenexa xua ichamonaē yabara
 yaputane pecana exanaenexatsi. ⁹ Ichamonaē
 jiwānatha Nacom pia Pejumoṗe ṭṅaxṅ tatsi cata
 peyabara jume cowṅṅtsi coyenewa xua daxota
 bapomonaē nanta xeina xua bara itacṗatsi
 xua peexanaewa daxita coyenein xua Nacom
 itoroba xua bapomonaē peyawenaexaetsi
 Nacom. Barichi ichamonaē jiwānatha Nacom pia
 Pejumoṗe ṭṅaxṅ tatsi cata xua po coyenewatha
 peatenewi axaibi peexanaewatsi. ¹⁰ Ichamonaē
 jiwānatha, Nacom pia Pejumoṗe ṭṅaxṅ tatsi cata
 po coyenewatha pexeinya petsita itṅṅtsi coyene
 peexanaewa. Ichamonaē jiwānatha, Nacom
 pia Pejumoṗe ṭṅaxṅ tatsi cata po coyeneya
 xua pecueicueijeīwa Nacom Pejume Diwesi.
 Ichamonaē jiwānatha Nacom pia Pejumoṗe
 ṭṅaxṅ tatsi cata po coyeneya beta peyaputaewa
 xua po coyene poxonaē Nacom pia Pejumoṗe
 ṭṅaxṅ tatsi jiwi cueicueijeī exanatsi yawa
 po coyene poxonaē jiwi cueicueijeī exanatsi
 caurimonaē. Ichamonaē jiwānatha Nacom pia
 Pejumoṗe ṭṅaxṅ tatsi cata po coyeneya xua
 ichamonaē pecueicueijeīwa icha jumeintha, po
 jumein bequein jopa nacuidubiyo. Ichamonaē
 jiwānatha Nacom pia Pejumoṗe ṭṅaxṅ tatsi
 cata po coyeneya xua barapomonaē xuya jume

yaputane exana po jumein xua ichamonaē paeba po jumein xua ichamonaē bequein jopa nacuidubiyo. ¹¹ Daxita barapo jant̃x̃ coyenein exana ducuaēbiya pon Nacom pia Pejumope t̃nax̃x̃ tatsi. Barapo jumope daxita coyenein meisa compa exana, po jumope Nacom pia Pejumope t̃nax̃x̃ tatsi. Barapo pejumope daxita carepaya jiwitha cata icha be pocotsi coyeneya barapo jumope peichichipaexae xua pecatsiwa.

Meje yabara xua daxitatsi be caemonaetsi Jē-sustha

¹² Pepon bequein caein ichitha nawita xeina xua pia pecueyabiwatsi, petaxube, pesitobeno, remax̃beno yawa ichawanno. Barapo pepon pecueyabiwatsi bequein ainyawan daichitha daxita bara caewa ompin naexana pepontha. Barapocotsi j̃ta coyeneya ichi, Cristo pinmonae xeina pia pejume cow̃ntsiwichi bequein bara barapon Jesús caein. ¹³ Barapocotsi j̃ta coyeneya ichi, waxainchi seicaya j̃wichi. Daichitha daxita waxainchi be caemonaē j̃wichi wajume cow̃ntsixae Jesús. Ichamonaē waxainchi j̃wanatsi judiomonaetsi. Ichamonaetsi pomonaē jopa judiomonaē naexanaeyo. Ichamonaetsi pomonaē amanaya tanacuitatsi ichamonaē nexa. Ichamonaetsi pomonaē saya wajinompawē xua saya wawan wanata exanaē j̃wi. Daichitha daxita waxainchichi naca bautisaba. Waxainchi be caemonaetsi naexanatsi Nacom pia Pejumope t̃nax̃x̃ tatsi wanaca bar̃x̃ jinompawae. Nacom daxita waxainchi barompaya carepayatsi naca cata barapo pejumope t̃nax̃x̃, pon bara saya meisa caein.

¹⁴ Pepon jopa xeinaeyo bara caewa xua pecueyatsiwatsi. Aparā nawita xeina xuan pecueyabiwatsi. ¹⁵ Metha petaxu jei tsipae: “Xan apara jopa pecobeinyo, daxota xan pepon nexa aibi”, jei tsipae. Bequein baxua paebichipa daichitha apara bara pepon cueyatatsi icha itacupaetsi xua paeba. ¹⁶ Metha pemuxuyoroto jei tsipae: “Xan apara jopa peitamaiqueitanyo daxota xan pepon nexa aibi”, jei tsipae. Bequein baxua paebichipa daichitha apara bara pepon cueyatatsi icha itacupaetsi xua paeba. ¹⁷ Icha daxita wapepon Ꞇ peitacuereto tsipae, jopa naca itacupaeyo xua wajume taewa tsipae. Barichi icha wapepon daxita Ꞇ pemuxuyoroto tsipae, jopa naca itacupaeyo xua watuxubiwa tsipae. ¹⁸ Ichitha Nacom pitacuiya duba xua ichaxota ichichipa duba daxita baxuan xua pocotsiwan pepon pecueyabiwatsi. ¹⁹ Icha daxita baxuan saya Ꞇ najupaetsipa, bapoxonae jopa xapain xeinaetsipaetsi pepon. ²⁰ Bequein anoxuae nawita xeinatsi xuan wanaca cueyabiwan wapepontha, daichitha awiya bara cae pepontsi.

²¹ Peitacuereto jopa itacupaetsi xua pejeiwa pecobetha: “Xam jopa cacanamatawenonaetsi”, jopa pejeiwa. Barichi pentasipa jopa itacupaetsi xua pejeiwa petaxubetha: “Paxambe jopa paca canamatawenonaetsibe”, jopa pejeiwa. ²² Po wanaca cueyatsiwa wapepontha xua jopa naca tsita ainya cuiyo, apara bara baxua ainya cui wacanamatawenonaenexa. ²³ Wapepon xua wanaca cueyatsiwa xua jopa naca tsita ainya cuiyo, paparuwatha nama acatatsi xua wabarꞆ itura jinaenexatsi. Pocotsiwa wanaca cueyatsiwa

xua wapepontha xua pocotsiwa jiji jopa benaca taeyo, naacabatsi paparuwantha wapin uraxae. ²⁴ Po wanaca cueyatsiwa wapepontha pocotsiwa jiji nacata tane baxuan jopa ainya cuiyo xua waacabinexa paparuwatha xua jopa waauraxaetsi. Nacom nacata exana pepon xua waxainchi beta nayaewatatsi paparuwatha, po wanaca cueyatsiwa wapepontha xua bichocono pecanantawenonaewa baxua. ²⁵ Nacom baxuan exana xua jopa baxuan penawepu tsabinexa pepon weya. Daxita baxuan xua wanaca cueyabiwan eenatsi xua nantiya penayawenaewa tsane icha pomonae Nacom pejume cowantsiwichi ichi xua nantiya bewa nayawenaewae. ²⁶ Icha barapo wanaca cueyabiwan caewa jiwana wepu atene, bara barichi pepon daxita ateneru. Matauta icha baxuan caewa jiwana ainya cui cana exanatsi bara daxita nabaaru weiweinaya dubena pepontha.

²⁷ Paxam Jesucristo piamonae tatsi jiwana pamxaem, caemonae pananaexaname, icha Jesucristo ichi xua xeina pia pecueyabiwatsi pia pepontha. Bequein bara caemonae pananaexaname ichitha carepaya barompaya patanacuitame Cristo. ²⁸ Nacom itapeta xua pomonae pejume cowantsiwichi xua pomonae pia petanacuichinexa tsainchi. Copiya itapetatsi pomonae Jesucristo pia peitorobi jiji tatsi. Bapoxonae iruru itapetatsi pomonae Nacom pia peitorobi jume pepaebiwi. Equeicha bapoxonae iruru itapetatsi pomonae jiji pecuidubiwi Nacom Pejume Diwesi. Bapoxonae iruru itapetatsi pomonae pexeinya petsita itatsi

coyewewan exana. Bapoxonae iru itapetatsi pomonae axaibi peexanaewi peatenewi. Irano bapoxonae itapetatsi pomonae jiwi peyawenaewi. Bapoxonae iruru itapetatsi pomonae peitorobiwi pomonaetha pomonae pejume cowantsiwi. Iruru bapoxonae itapetatsi pomonae cueicueijeji icha jumeintha, po jumein bequein jopa nacuidubiyo. ²⁹⁻³⁰ Nacom jopa apara daxita piamonae exanaeyo pomonae Jesús pia peitorobi jiwi tatsi. Matautano Nacom jopa apara daxita piamonae exanaeyo pomonae Nacom pia peitorobi jume pepaebiwi. Barichi Nacom jopa apara daxita piamonae exanaeyo pomonae jiwi pecuidubiwi Nacom Pejume Diwesi. Barichi jopa apara daxita jiwiyo pomonae exana pexeinya petsita itutsi coyewewan. Matautano jopa apara daxita jiwiyo pomonae axaibi peexanaewi peatenewi. Barichi jopa apara daxita jiwiyo pomonae cueicueijeji icha jumeintha po jumein bequein jopa nacuidubiyo. Barichi jopa apara daxita jiwiyo pomonae xuya piamonae yabara yaputane exana po jumein ichamonae cueicueijeji po jumein bequein jopa nacuidubiyo. ³¹ Ichitha paxam bewa paichichipaename po juntu cui coyenein xua bichocono wnae po coyenein xua Nacom amanaya cata piamonaetha.

Meje xua Pablo yabara paeba peantobe coyewewa

Ichitha anoxuae yabara paca cuidubinchi icha juntu cui coyewewa po juntu cui coyewewa bichocono toxechiya wnae beyacaincha xua po juntu cui coyenein aunxuae yabara paeban.

13

¹ Metha icha bequein neitacupaetsipa xua tacueicueijejewa ainya jumein po jumein ichamonae cueicueijej, xuano po jumein matatsunpiwi cueicueijej. Bequein metha neitacupaetsipa daichitha icha jopa ichamonae tsita xeinaeinoyo peantobe coyenewa, bapoxonae saya apara pin busi jumein exanan poxonae saya cueicueijan. ² Metha xan Nacom pia peitorobi jume tacueicueijan tsipae, matautano metha yaputaetsipan daxita po coyenein Nacom moya yawun xeina xua bexa Nacom exanaena, matautano metha yaputaetsipan daxita peyaputae coyenewan, matautano metha beta jume cowantsipan xua taneitacupaewa xua tsipaeban demxuwatha xua peponaenexa. Bequein metha xeinaetsipan daxita barapo coyenein ichitha came jopa xeinaeinchipae peantobe coyenewa barapoxonae jopa ainya cui jitonyo. ³ Icha peacopeibi jiwitha catan daxita pocotsiwa xeinan, yawano icha caenaetan tapepon xua tanetautsinexa tatapaein tajume cowantsixae, ichitha awiya came jopa xeinaeinchipae peantobe coyenewa daxita jiwi nexa, Nacom jopa tsita ainya cuiyanyo.

⁴ Jame pon xua peantobe coyenewa xeina daxita jiwi nexa bapon jame jantema popona poxonae bequein ichamonae abe taexanaetha xua bapon bequein abe taexanaethatsi. Barichi pon peantobe coyenewa xeina, bapon jame amanaya yabara nanta xeinaeya yawena ichamonae. Bapon jame jopa peyabara uwin pocotsiwa ichamonae xeina. Matautano bapon

jame jopa pia coutha penayabara nanta xeinaein xua peainya cui jiton. Matautano jame bapon jopa peaebin jiwi. ⁵ Barichi bapon jame jopa atsaquiya pepaebin. Matautano bapon jame jopa peyabara nanta xeinaein xua saya u piawa nexa. Bapon jame jopa peanaepanaein ichamonaetha. Bapon jame xuya jopa peyantomateibin xua xuya peexanaenexa abe bapontha. ⁶ Barichi bapon jame jopa juntu coyene weiweinaeyo poxonae ichamonae abe exana. Saya bapon jame juntu coyene weiweina poxonae ichamonae bara xainyeya exana. ⁷ Pon ba jame peantobe coyenewa xeina ichamonae nexa, bapon jame exanapona beta bequein ichamonae daunweya ayapubeya taexanaetha xua bapon daunweya ayapubeya taexanaethatsi. Bapon ba jame yabara jume cowuntapona ichamonae xua barapomonae pomonae ichamonaexae itacupatsi xua xanepanaya peexanaewa. Matautano bapon jame yabara jume cowuntsiya ewatapona xua ichamonae bexa beta peexanaewa tsane bequein abe peexanaewi. Matautano bapon ba saya junte ma popona bequein bapon abe taexanaethatsi ichamonae.

⁸ Po coyene xua jiwi antobe ichamonae barapo coyenewa bapana jopa weraweracae tsane. Jopaena matakabi po matakabitha jopa nantawenonae tsane xua pomonae pecueicueijei jiwi Nacom nexa pocotsiwa Nacom yaputane exana. Barichino jopa cueicueijei tsane icha jumeintha po jumein barapomonae jopa bequein nacuidubiyo. Matautano jopa nantawenonae tsainchi po coyene peyaputae coyenewa.

⁹ Anoxuae wayaputae coyenewa nacata seica daxota be conotha yaputainchi. Matautano Nacom yabara wacueicueijejiwa nacata seica daxota be conotha yabara cueicueijeichi Nacom.

¹⁰ Ichitha poxonae Cristo patopaetsica pon daxita coyenein peyaputaein bapoxonae bapon naca yaputane exanaena po coyene xua nacata seica xua wayabara cueicueijejiwa bapon, xuano xua bapon yabara yaputainchi. Barapo ainya coyenebe weraweracaena bapoxonae.

¹¹ Poxonae xan awiya pexuyon cueicueijan xua najume pexuinan. Yawano nanta xeinan icha pexuyo ichi. Matautano yaputan xua pexuyoxaein. Ichitha poxonae pinyonba nacui baraxuban pocotsiwa exanaponan poxonae pexuyon.

¹² Bara jata coyeneya ichi anoxuae. Saya be conotha Nacom yabara yaputainchi. Baraxua be icha be pocotsi jata coyeneya ichi poxonae tsabocototha nayatainchi xua dudana xua dai-chitha jopa nataetsi. Ichitha bexa tsane yatsicaewa Nacom pentha taeinchi peitabara. Anoxuae be conotha Nacom yabara yaputan. Ichitha bexa tsane xaniwaicha daxita beta yaputaein icha anoxuae Nacom neichi xua tanejantꞫ coyene yapuraewa. ¹³ Acoibi po coyenewabe ataya ayapusꞫ tsane. Meje barapo acoibi po jume coyenewabe xuaje: Pejume cowantsi coyenewarꞫ Nacomtha, barichi peyabara jume cowantsiya ewatsi coyenewarꞫ Nacomtha, matautano peantobe coyenewarꞫ. Jame po jume coyenewa bichocono tox-einchiya ainya cui beyacaincha xua icha coyenewa barapo coyenewa jame apara xua peantobe coyenewa, xua ichamonae waantobe coye-

newatsi. Barapo jume coyenewa bichocono tox-einchiya ainya cui.

14

Meje xua Pablo yabara paeba xua ainya jumein pepaebiwa yabara po jumein bequein jopa nacuidubiyo

¹ Bewa paichichipaename xua painya nexeinaewa peantobe coyenewa. Barapoxonae bewano paichichipaename icha j̄nt̄x̄ coyenein pocotsi j̄nt̄x̄ cui coyenein Nacom amanaya paca cata. Po j̄nt̄x̄ cui coyene xua bichocono w̄nae beyacaincha xua icha j̄nt̄x̄ cui coyenewa, apara barapo j̄nt̄x̄ cui coyenetha pacueicueijam Nacom pia peitorobi diwesi. Baxua jame bewa paichichipaename. ² Pon ba icha jumetha cueicueijei po jumeintha xua bapon bequein jopa nacuidubiyo bapon apara tsipaeba Nacomtha. Bapon apara jopa tsipaebiyo jiwitha tsipei jiwi jopa yaputaeyo pocotsiwa paeba bapon. Pocotsiwa bapon paeba apara Nacom pia Pejumope t̄nax̄ tatsi cueicueijei exana. Bapon apara paeba pocotsiwa Nacom moya yaw̄n xeina, pocotsiwa xua bequein jiwi jopa yaputaeyo. ³ Ichitha nama seicaya pon jame Nacom Pejume Diwesi cueicueijei jiwitha, jiwi yaputane exanaeinchi Nacom yabara. Matautano bapon poxonae Nacom Pejume Diwesi cueicueijei yawena ichamonaetha xua barapomonae j̄nt̄x̄ cui coyene tsacabatsi xua Nacom pejume cowantsiwatsi. Barichi poxonae cueicueijei Nacom Pejume Diwesi j̄nt̄x̄ coyene sad̄jei exana

pomonaē anthatharewe xua anthathatane. ⁴ Pon ba cueicueijeī ainya jumeintha po jumeintha bequein bapon jopa nacuidubiyo, bapon ba saya pia coutha nayawena xua peyabara yaputaewa Nacom. Ichitha pon ba cueicueijeī jiwitha Nacom nexa po coyene Nacom yaputane exana, bapon jiwi yaputane exainchi Nacom yabara pomonaē xua Nacom pejume cowantsiwichi.

⁵ Ichichipan xua daxita paxam painya necueicueijeīwa icha jumeintha, po jumein bequein jopa panacuidubim. Jame yatsicaewa bichocono ichichipan xua painya necueicueijeīwa Nacom Pejume Diwesi ichamonaetha. Pon ba xua Nacom Pejume Diwesi cueicueijeī ichamonaetha, bapon ba jame wnae exana beyacaincha pon icha jumeintha cueicueijeī. Ichacuitha bapon pon icha jumeintha paeba itacupatsi xua yabara jume yaputane exana jiwitha po jumein xua pipato pepaebi jumein. Icha bapon barapo coyene exana bapoxonae bapon yawena pomonaē pejume cowantsiwi Nacom xua beta mataropeicha pejume cocowantaponaenexa Cristo. ⁶ Tamonaē pam, icha poxonae paca siwa ponaetsipatsi paca tsipaebichipatsi po jumeintha jopa nacuidubinyo tacoutha, bapoxonae apara jopa paca yawenaetsipaetsi. Ichitha icha paca tsipaebichipatsi po diwesi Nacom neyaputane exana, baxua jame paca yawenaetsipa xua beta painya nejume cowantsiwa Nacom. Ichitha icha ichacuitha paca tsipaebichipatsi pocotsiwa xua nacuiduban baxua jame paca yawenaetsipa. Matautano icha ichacuitha paca tsipaebichipatsi pocotsiwa xua Nacom Pejume Diwesi paeba

pocotsiwa bexa Nacom exanaena, baxua jame paca yawenaetsipa. Ichacuitha icha paca cuidubichipatsi Nacom Pejume Diwesi baxua paca yawenaetsipa.

⁷ Jiwi ba tanbaba po petanbabiwa arpa mataw^{un}, xuano ba oba po peobiwa pew^{un} flauta. Ichitha icha barapo ainya pecajume exanaewan jopa xapain busi pichapaetsipae bapoxonae jiwi jopa xapain yaputaetsipae po wei xua icha jiwi wei tanbaba. ⁸ Barichi poxonae ba jiwi naba ichamonaetha bapoxonae ba oba xua penajunutsiwa. Ichitha icha barapo busi, busi caewa, jiwi jopa xapain busi taeyo. Bapoxonae jiwi jopa itac^{upa}etsi xua penacui w^{na}etsiwa xua penabinexa. ⁹ Barichi paxamtha. Icha icha jumeintha papaebichipame jiwitha, po jumeintha bequein jopa panacuidubim, xuano ir^u barapo jiwi jopa nacuidubiyo bapoxonae jiwi jopa xapain paca yaputaetsipae. Baraxua apara be saya poxonae sito patsipaebame. ¹⁰ Metha beya tsipae xua barapo nacuathe ainya jumein xeinaetsipa xua jiwi barompaya tsanaya pijumeintha paeba. Daxita barompaya pia matab^{uxu}monaein tsiniya xeina po jumein xua yaputane barapomona. ¹¹ Ichitha icha xan jopa yaputaeyo po jumetha xua ich^{un} netsipaeba bapoxonae xan be tsita tana nanapaincha poponaein xua be icha nacua werena taponaein ir^u bapond^u be netsita penanapaincha poponaein xua be icha nacua werena peponaein. ¹² Paxam paichichipame po j^{unt}^u cui coyenein Nacom pia Pejumope t^{unaxu} tatsi amanaya cata piamonaetha. Yaitama baxuan paichichipame daxota bichocono

pawncare barapo Nacom pia Pejumope tñaxñ tatsi xua painya nepaca catsibinexa po jñntñ cui bichocono wñnae. Baxua pawncare xua painya neyawenaenexa pomonae pejume cowñntsiwi Nacom, xua beta pejume cocowñntaponaenexa Nacom.

¹³ Daxota pon icha cueicueijeí icha jumetha po jumetha bequein bapon jopa nacuidubiyo, bapon bewa wñcaena Nacomtha xua Nacom bapontha yabara jume yaputane pecana exanaenexa barapo jume. Vapoxonae bapon itacñpatsi xua yabara yaputane exana barapo jume xua ichamonae yaputane exanatsi. ¹⁴ Icha icha jumetha tsipaeban Nacomtha po jume bequein jopa yaputaeyño saya apara tajumope tñaxñ tsipaeba Nacomtha. Tajñntñ coyene jopa yaputaeyño xua tatsipaebiwa Nacom. Barichi ichamonae jopa yaputaeyño xua tatsipaebiwa Nacom. ¹⁵ ¿Eta xua bewa exanocuaein? Jame, bewa wñcaein Nacom tajumope tñaxñtha po jumein jopa yaputaeyño. Matañtano bewa wñcaein Nacom tajñntñ coyenewatha po jumein yaputan. Barichi bewa naxñnaein Nacomtha tajumope tñaxñtha po jumein jopa yaputaeyño. Matañtano bewa naxñnaein tajñntñ coyenewatha po jumein yaputan. ¹⁶ Ichacuiitha metha icha jumetha wñnae jainchipame Nacom xua nejumope tñaxñ cueicueijeí cacana exana. Pomonae xua cajume taetsipa jopa cajume yaputaetsipae. Daxota jopa itacñpaetsipaetsi xua pebññya necajume notsiwa Nacom nexa, xua pejeinexa: “Bara ichi tsane”, xua pejeiwa. ¹⁷ Poxonae bequein Nacomtha wñcaetsipame icha jumetha bara bequein wñnae

pocotsiwa xua paebame, daichitha ichan jopa yawenaetsipaetsi xua beta pejume cowantsiwa Nacom. ¹⁸ Nacomtha tsipaeban paxam yabara, janje: “Nacom maisa jantx coyene weiweinan, xua icha jumeintha tacatsipaebiwatsi, beyacaincha daxita barapomonae xua icha jumeintha catsipaeba”, jan. ¹⁹ Ichitha poxonae pomonae Nacom pejume cowantsiwichi nacaetuta penacaetutsi botha bara saya wnae tsipae xua icha saya cinco po jumebe tacuidubiwa tsipae xua jiwi peyaputaewa tsane. Baxua beyacaincha xua poxonae icha metha cueicueijan tsipae diez mil po jumebe, po jume xua jopa nacuidubinyo. Bequein barapo diez mil po jumebe paebichipan daichitha jiwi jopa yaputaetsipae xua tacueicueijeiba.

²⁰ Tamonae pam, paxam pomonae iru painya nejume cowantsiwixae Jesucristo. Painya xoba pananta xeiname icha pexui ichi poxonae nanta xeina. Jame pajinompa dubenanaebiyama icha pexui ichi poxi pencuetixi xua jopa abe exanaeyo. Maisa jame pananta xeina dubenanaebiyama icha pomonae pinyon ichi xua nanta xeina dubenanaebiya. ²¹ Nacom jeye pia peitorobi jume diwesitha: “Paebin barapo judiomonaetha poxonae cueicueijeiba cana exanaein pomonae penanapaincha jinompaewi xua icha nacuapiwi po jumein xua jopa yaputaeyo pomonae xua petsipaebixaetsi. Bequein baxua exanaein ichitha cataunxuae barapo judiomonaetha jopa nejume tae tsane”, jei pon jiwi Pecanamataxeinaein pia peitorobi jume diwesitha. ²² Daxota xua pecueicueijeiba icha jumeintha tsita itapeinya xeina xua pomonaetha

pomonae jopa pejume cowantsiwi xua apara
 Nacom atene exanaena barapomonae jopa
 pejume cowantsixae. Barapo jumein jopa
 apara nexiyo pomonae xua bayatha pejume
 cowantsiwi, poxoru Nacom jopa atene exanae
 tsane barapomonae. Ichitha xua cueicueiei
 Nacom Pejume Diwesi, baxua tsita itapeinya
 xeina pomonaetha pomonae pejume cowantsiwi
 xua apara Nacom yawenaena barapomonae
 peantobexae tsipei barapomonae Nacom
 jume cowantatsi. Barapo Nacom Pejume
 Diwesi pecueicueiweiwa jopa apara nexiyo
 pomonae jopa pejume cowantsiwi poxoru
 Nacom jopa yawenae tsane barapomonae jopa
 pejume cowantsixae Nacom. ²³ Ichacuitha
 metha patsipa painya nenacaetutsiwatha xua
 poxonae Nacom wnae pajaintame pomonae
 jopa yabara yaputaeyo poxonae ichamonae
 pecueicueiweiwa icha jumeintha, iru pomonae
 jopa pejume cowantsiwi Nacom. Icha metha
 daxita paxam barompaya papaebichipame
 icha jumeintha barapomonae jopa paca
 yaputaetsipae. Baroxonae barapomonae paca
 yabara nanta xeinaetsipa xua apara painya
 nepacamatajemabi jiwi pam. ²⁴ Ichitha metha
 pebiwi patsipa painya nenacaetutsiwatha xua
 poxonae Nacom wnae pajaintame pomonae
 jopa yabara yaputaeyo poxonae ichamonae
 pecueicueiweiwa icha jumeintha, iru pomonae
 jopa pejume cowantsiwi Nacom. Poxonae daxita
 paxam Nacom Pejume Diwesi papaebichipame
 barapomonae paca yaputaetsipa xua papaebame.
 Baroxonae barapomonae najuntu coyene

cayabara nanta xeinaetsipa xua abe peexanaewa. Mataantano barapomonaе yaputaetsipa xua Nacom petsita natsicuentisiwatsi xua abe peexanaexae xua poxonaе painya necajume taexae poxonaе papaebame Nacom Pejume Diwesi. ²⁵ Nacom exana xua barapomonaе peyaputaewa po coyene xua Nacom daxita beta yabara yaputane po coyene xua barapomonaе nanta xeina pejunt̃ coyenewatha. Bapoxonaе barapomonaе yaputaena xua bara Nacom j̃ntemaina barapomonaе abe pia peexanaе cuiru coyenein tatsi. Bapoxonaе pentabocototha umenaena xua Nacom w̃nae pejainchinexa tsainchi. Barapomonaе jei tsane paxamtha: “¡Jaina, maisa deta Nacom paca bar̃ jinompa!” paca jei tsane barapomonaе.

Meje xua Pablo jeye: “Beta xanepanaya paexanaponde penacaetutsi bontha poxonaе w̃nae pajainteibame Nacom”, jei

²⁶ Tamonaе pam, paxam pomonaе ir̃ painya nejume cow̃ntsiwixae Jesucristo. Paca tsipaebatsi xuaje: Poxonaе pana nacaetutame, ichamonaе painyamonae jiwana barab̃ nax̃naena peweixi xua w̃nae pejainchinexa Nacom. Ichamonaе ir̃ barab̃ cuidubina ichamonaetha. Ichamonaе ir̃ barab̃ cuidubina po coyenein Nacom yaputane exana. Ichamonaе ir̃ barab̃ icha jumeintha cueicueijei tsane po jumein bequein jopa nacuidubiyo. Ichamonaе ir̃ barab̃ xuya barapo jumein yabara jume yaputane exanaena daxita jiwitha po jumein ichamonaе paeba. Daxita po coyenein xua paexaname bara w̃nae paexande poxonaе

panacaetutame wɛnae painya jaintsinexa Nacom xua daxota xanepanaya mataropeicha painya nejume cocowɛnta dubenanaebiyaenexa Nacom. ²⁷ Poxonae icha jumeintha pacueicueijam bewa saya cueicueijei nacueyatabe poyobe ichacuitha poxonae acoibi poyobe. Ichitha ichamonae ajibi tsane. Barapo acoibi poyobe bewa xuya cotacaya barompaya tsana cueicueijei tsoponae tsane. Bewa bapoxonae xuya ichɛn cotacaya yabara jume yaputane exanae pocotsiwan xua barapo acoibi poyobe barompaya seicaya paeba. ²⁸ Ichɛn dapocotsin aibi pon itacɛpatsi xua xuya cotacaya peyabara jume yaputane exanaewa, jopa bewa barapo acoibi poyobe icha jumeintha paebi tsane penacaetutsi jiwitha xua poxonae Nacom wɛnae pejainchinexa. Saya bewa moya pia coutha cueicueijei Nacomtha. ²⁹ Bara wɛnae tsipae icha saya pacopatsipame nacueyatabe poyobe xua pecueicueijeiwa Nacom Pejume Diwesi xua ichacuitha poxonae saya acoibi poyobe. Ichamonae bewa jume taena icha metha bara xaniwaicha paeba barapo acoibi poyobe. ³⁰ Icha ichɛn eca baxota pon Nacom yaputane exana po jumein bewa cueicueijei tsane bapoxonae pon xua copiya asiya uncua bewa moya ecaena xua daxota barapon pon ichɛn itacɛpatsi xua cueicueijei po jumein Nacom yaputane exana. ³¹ Daxita paxam paca itacɛpa xua painya necueicueijeiwa Nacom Pejume Diwesi, painya necana exanaenexa xua daxita barapomonae penacuidubinexa. Matautano paca itacɛpa painya necueicueijeiwa painya nejɛntɛ cui tsacabinexa daxita jiwi

pejume cowantsinexa Nacom. Ichitha jame paxam barompaya tsanaya xuya patamropatsiya cueicueijam tsoponeibim tsane. ³² Pomonae Nacom Pejume Diwesi pecueicueijeijiwi barapomonae itacupatsi xua penajuntũ coyene itorobiwa. Daxota barapomonae ewata xua ichũn matha pecueicueijeinexa, xua bapoxonae bara pecueicueijeinexa tsane ichamonaetha. ³³ Tsipei Nacom jopa ichipaeyo xua jiwi ajumeyaexa poxonae daxita jiwi peburũya cueicueijeiji Nacom Pejume Diwesi. Jame Nacom ichichipa xua pomonae pejume cowantsiwi jũntema penabarũ jinompaewa poxonae nacaetuteiba xua wũnae pejainchinexa Nacom.

Daxita pomonae xua nacaetuta pejume cowantsixae Jesucristoetha, exana xuaje: ³⁴ Yabũxi bewa saya moya poxonae nacaetuta pomonae Nacom pejume cowantsiwi xua Nacom Pejume Diwesi pecueicueijeinexa. Nacom baxua jopa copatsiyo xua yabũxi pecueicueijeijiwa baxota. Barapo yabũxi bewa jume cowantsina pia seuriwi pocotsiwa itorobeibatsi icha be pocotsi coyeneya bayatha Moisés pia peitorobi coyenewatha paeba. ³⁵ Icha barapo yabũxi ichichipa xua peyaputaewa pocotsiwa ichamonaetha paeba, bewa barapowaxi pia boxitha yainyabi pia seuriwi. Tsipei jopa wũnae tsipae icha yabũyo cueicueijeiji penacaetutsimonaetha pomonae Nacom pejume cowantsiwichi xua poxonae yainyaba pia pebiwi.

³⁶ Paxam bewa payaputaename xua Nacom Pejume Diwesi jopa copiya matha tamropata pitabiyo painya xantha. Mataũtano jopa paxam compa pam pomonae meisa paxeiname Nacom

Pejume Diwesi. ³⁷ Ichamonae pomonae paxam jiwana pam nanta xeina xua xeina po jũntũ coyenewatha pecueicueijejiwa Nacom Pejume Diwesi. Barapo jũntũ coyene xua Nacom pia Pejumope tũnaxũ tatsi amanaya cata. Mataũtano ichamonae pomonae paxam jiwana pam nanta xeina xua xeina icha jũntũ coyenewa po jũntũ coyene Nacom cata. Daxita paxam bewa payarputaenama xua po coyenein yabara pacata tinatsi xua apara Nacom wanaca itorobiwa. ³⁸ Icha pebin jopa bejume cowũntsiyo pocotsiwa paeban, baroxonae painya xoba pajume cowũntame pocotsiwa bapon paeba.

³⁹ Tamonae pam, paxam pomonae irũ painya nejume cowũntsiwixae Jesucristo. Bewa jame paichichipaenama xua painya necueicueijejiwa Nacom Pejume Diwesi. Painya xoba pajume itawetame poxonae ichamonae cueicueijeji icha jumein po jumein bequein jopa nacuidubiyo.

⁴⁰ Daxita beta xanepanaya paexanaponde poxonae pana nacaetutame penacaetutsi botha xua poxonae wũnae painya nejainchinexa Nacom, xua barompaya tsanaya patamropatsiya exanaponde.

15

Meje xua Pablo yabara paeba poxonae Cristo equeicha asũ exainchi

¹ Tamonae pam, paxam pomonae irũ painya nejume cowũntsiwixae Jesucristo. Ichichipan xua pacayabara nanta xeiname po diwesi pecapanenebiyae diwesi jume, po diwesi paca tsipae-batsi. Barapo pecapanenebiyae diwesi pajume

cowantame, xua daxota beta pajume cowantsiya jinompame Nacomtha. ² Painya nejume cowanta dubenanaebiyaxae barapo pecapanenebiyae diwesi, anoxuae painya nepaca capanenebiyae jiwi pam abe painya neexanae cuiru coyenein weya. Barapo coyene paxeina dubenanaebiyae-name icha beta payabara jantanainame pocotsiwa paca cuidubatsi xuano icha xaniwaicha pajume cowantame baxuan. Icha copiya jopa pajume cowantsim tsane painya juntꞥ coyenetha barapo pecapanenebiyae diwesi bapoxonae Nacom jopa paca capanenebiyae tsane.

³ Copiya paca cuidubatsi pocotsiwa xua ichꞥn necuiduba xua Cristo yabara. Paca cuidubatsi xua Cristo naca tsitꞥpa abe waexanae cuiru coyenein nexa icha be pocotsi coyeneya bayatha Nacom Pejume Diwesitha yabara paeba baxua.

⁴ Poxonae Jesucristo tꞥpa bapoxonae mꞥthꞥtha xotsi. Ichitha poxonae acoibi po matakabibe jopa, barapo matakabitha equeicha asꞥ exanatsi, icha be pocotsi coyeneya bayatha Nacom Pejume Diwesitha yabara paeba baxua.

⁵ Bapoxonae Pedro tsita naitꞥtatsi Jesucristo. Bapoxonae equeicha Jesucristo tsita naitꞥta pia peitorobi jiwi tatsitha pomonae doce poyobe.

⁶ Bapoxonae caena equeicha Jesucristo tsita naitꞥta pomonaetha pomonae pia pejume cowantsi jiwixaetsi, pomonae beyacaincha quinientos poyobe jiwi. Awiya pinmonae barapo bicheito jiwanamonae jinompa anoxuae pomonae xua Jesús tainchi bequein ichamonae werapa bayatha, pomonae barapomonae jiwana.

⁷ Bapoxonae equeicha Santiago tsita naitꞥtatsi Jesucristo. Bapoxonae equeicha Jesús tsita naitꞥta

daxita pomonaetha pomonae pia peitorobi jiwi tatsi.

⁸ Bapoxonae nama matapainya xan Pablon netsita naitata Jesucristo. Nacom necana exana pon pia peitorobi jiwi jiwana tatsin, xua pon taba ducuan. Xan be pon xua nainya jemeicha jume cowantan icha be pocotsi coyeneya ichi poxonae pexuyo pena nainya jemeicha tsiperu wenaexana. ⁹ Xan wepu be conotha ainya cuin pomonae Jesucristo pia peitorobi jiwi tatsi. Ichamonae pomonae Jesucristo pia peitorobi jiwi tatsi bichocono ainya cui beyacaincha xua xan. Bequein Nacom neyabara caunuta xua xan Jesucristo pia peitorobi jiwi tatsi jiwanan ichitha auran tsipei bichocono abeya exanan pomonaetha pomonae penacaetutsimonae jiwitha pomonae pejume cowantsiwi Nacom. Pebaraxuaxae jopa bewa neyabara caunutsi baxua. ¹⁰ Ichitha xan nama anoxuae seicayiya exanan Nacom taneyawenaexae. Bapon tana neantobexae jopa abeya taexanaeinyo. Jame nama seicaya bichocono ayapusaya nacuitan Jesucristo nexa beyacaincha ichamonae pomonaexae Jesucristo pia peitorobi jiwi tatsi. Ichitha xan jopa tacouthinyo xua tanacuichiwa, apara jame Nacom neyawena tana neantobexae. ¹¹ Jopa ainya cuiyiyo pomonae bayatha paca cuiduba Nacom Pejume Diwesi. Jopa ainya cuiyiyo icha ichamonae pomonae Jesús pia peitorobi jume pepaebi jiwi bayatha paca cuiduba. Matautano jopa ainya cuiyiyo icha xan bayatha paca cuidubatsi. Saya jame ainya cui xua daxita paxan nanta jupaya tapaca cuidubiwatsi

barapo Nacom pia pecapanenebiyae diwesi jume xuano xua painya nejume cowantsiwa baxua.

Meje xua Pablo yabara paeba pomonae xua equeicha asu exanatsi petupae cuiru coyene weya

¹² Paca cuidubatsi xua Cristo equeicha asu exanatsi petupae cuiru coyene weya. Daichitha pomonae paxam jiwana pam paeba xua pinae Nacom jopa equeicha asu exanaeyo jiwi petupae cuiru coyene weya. ¿Eta xua nexata metha baxua paeba painyamonae jiwana? Bara bayatha payabara yaputanemeba. ¹³ Icha jiwi jopa equeicha asu exanaetsipaetsi petupae cuiru coyene weya, bara nexata Cristo barichipaetsi, jopa equeicha asu exanaetsipaetsi petupae cuiru coyene weya. ¹⁴ Icha Cristo jopa equeicha asu exanaetsipaetsi petupae cuiru coyene weya, bapoxonae jopa ainya cui tsipae pocotsiwan paca cuidubatsi. Bapoxonae baxua be xua pejumexaei tsipae tsipei jopa paca yawenaetsipae. Matautano barichi painya nejume cowantsiwa jopa ainya cui tsipae jopa painya nepaca yawenaexae tsipae. ¹⁵ Icha baxua xaniyei paxan be pomonae pemuxitorobi jiwi pan tsipaein pocotsiwa Nacom payabara paeban, tsipei paxan apara papaeban xua Cristo equeicha asu exanatsi petupae cuiru coyene weya. Papaeban xua Nacom equeicha Cristo asu exanatsi petupae cuiru coyene weya ichitha baxua jopa xainyeyo icha jiwi jopa equeicha asu exanaetsi petupae cuiru coyene weya. ¹⁶ Icha petupae jiwi jopa equeicha asu exanaetsipaetsi petupae cuiru coyene weya, barichi Cristo bayatha jopa equeicha asu exanaetsipaetsi petupae

cuiru coyene weya. ¹⁷ Icha Cristo jopa eque-icha asu exanaetsipaetsi petapae cuiru coyene weya bapoxonae jopa paca yawenaetsipae xua painya nejume cowantsiwa. Daxota awiya paexana dubenanaebiyaetsipame abe painya neexanae cuiru coyenein. ¹⁸ Icha baxua xainyei tsipae xua Cristo jopa asu exanaetsipaetsi petapae cuiru coyene weya bapoxonae pomonae xua bayatha werapa bequein jume cowantsitha tsipae Jesús, ichitha weraweracaetsipa xua abe peexanaexae. ¹⁹ Waxainchi jume cowantsiya wanae ewatatsi xua bexa tsane Cristo naca asu exanaena poxonae werapaeinchi. Ichitha icha saya jume cowanta dubenanaebiyaetsipatsi xua Nacom wanaca yawenaewa tsane barapo cae pin nacuathe, bapoxonae wajume cowantsiwa jopa naca yawenaetsipae xua po coyene Nacom bexa asu wanaca exanaewa tsane poxonae werapaeinchi. Bapoxonae jiwi pomonae jopa pejume cowantsiwi naca yabara jei tsipae: “¡Pai barapomonae tsobenae beyacaincha ichamonae bequein jume cowantsitha tsobenae!” xua wanaca yabara jeichiwa tsipae.

²⁰ Ichitha pocotsiwa xua yatsicaya jame xainyei, apara jame xua Cristo bara yatsicaya asu exanatsi petapae cuiru coyene weya. Bapon Cristo copiya jiwi asu canamata exanatsi xua petapae cuiru coyene weya pomonae xua ataya tsitecaeya peasunexa xua jopa weraweracaeyo. ²¹ Jiwi abe peexanae cuiru coyenein peexanaexae daxota werapa, tsipei jiton copiya abe canamata exana, bapon Adán. Nama jiwi equeicha asu exanatsi, tsipei jiton copiya asu canamata exanatsi, bapon

Jesucristo. ²² Jiwi werapaena icha Adán ichi abe peexanaexae. Daxita pomonae Cristo piamonae tatsi equeicha asu exanaeinchi petupae cuiru coyene weya icha Cristo cana ichichi xua asu exanatsi xua petsitecaenexa. ²³ Nacom iche tsane xua poxonae exanaena xuaje: Copiya matha Cristo asu exanatsi. Bexa tsane pomonae Cristo piamonae tatsi asu exanaeinchi petupae cuiru coyene weya poxonae Cristo equeicha patopaetsica barapo irathe tsique. ²⁴ Cristo weraweraca exanaena daxita, xua peitorobi coyenewan. Matautano muxuna weraweraca exanaena xua nacuan peewatsi coyenewan. Matautano muxuna weraweraca exanaena peayapusaya itorobi coyenewa po peayapusu itorobi coyenewa xua jopa Nacom pia coyenewa tatsi. Bapoxonae poxonae wetsina daxita, Cristo pia peayapusu itorobi coyenewa Paxa caewa catsina, pon Nacom. ²⁵ Tsipei Cristo bewa tsiwanaya exanaponaena daxita jiwitha be pon jiwi itorobiya pia pepa peewatsinchi. Baxua bewa exanaena beya poxonae Nacom weraweraca exanaena pomonae Cristo pia peaitafaetabi jiwichi. ²⁶ Po coyene Nacom cotacaya exanaena xua apara piamonae asu cana exanaena xua bapana jopa peweraweracaewa tsane. ²⁷ Tsipei Nacom Pejume Diwesitha paeba xua pinae Nacom itorobina Pexanto pon Jesucristo xua itorobiya pecanamataxeinaenexa daxitantha. Bequein bara Jesucristo daxitantha itorobiya canamataxeinaena saya Paxatha meisa jopa itorobiyo tsane. ²⁸ Copiya Nacom exanaena xua Cristo itorobiya canamataxeinaena daxitantha. Bapoxonae Cristo Nacom Pexanto

tatsi pia coutha nacana exanaena xua Paxa itorobiya pecanamataxeinaenexa tsainchi. Bapoxonae Nacom xaniwaicha itorobiya canamataxeinaena daxitantha.

²⁹ Ichacuitha ichamonae bautisabatsi pomonae pewerapaewi tsibautisabatsi xua barapomonae equeicha peasunexa pepatsinexa Nacom pia nacuatha. Icha pewerapaewi jopa equeicha asu exanaetsi petupae cuiru coyene weya bapoxonae barapomonae pomonae pewerapaewi jopa yawenaetsi bequein petsibautisabithatsi xua ichamonae bautisabatsi xua peasunexa pomonae werapa. ³⁰ Daxita matabi jinompeibatsi xua naca peipeita ichamonae xua naca abe exana wajume cowuntsixae. Icha jopa equeicha asu naca exanaetsipae jopa ainya cui tsipae xua wacueicueije tsurubenanaebiwa Nacom Pejume Diwesi. ³¹ Tamonae pam, paxam pomonae iru painya nejume cowuntsiwixae Jesucristo. Daxita matabi muxu tatupeibi xua ichamonae tanepipeita exaneibixae. Baraxua xaniyei icha ichi xua xaniyei xua juntu coyene weiweinan xua Jesucristo pon Wanacanamataxeinaein xanepanaya peexanaexae painya xantha. ³² Xan bara imoxoyo tatupae poxonae Efeso tomarapiwi inta abe exana. Barapomonae baraxua necana exana icha neutha ichi poxonae ichun waetabatsi. Bequein barapomonae baxua necana exana xua muxu tatupae ichitha jopa asu neexanaetsipae petupae cuiru coyene weya icha jiwi equeicha jopa asu exanaetsipaetsi. Icha jopa equeicha caewa asu naca exanaetsipae bara saya exana dubenanaebiyaetsipatsi pocotsiwa ichichipatsi.

Poxonae baraxua exanatsi jupa exanatsi icha ichamonae ichi pomonae jopa peyabara jume cowantsiwa xua bara asu peexanaewatsi. Barapomonae jeye: “Anoxuae nabanaeinchi yawa apaeinchi, tsipei baya werapaeinchi jopa naca tsita ainya cuiyo”, jei barapomonae, pomonae jopa pejume cowantsiwi.

³³ Painya xoba pacopatame xua bara ichamonae painya nepaca muxuitorobeibiwa. Jiwi ba pia pecayabara juta pepaebi diwesiyo ba jei: “Pomonae abe peexanaewi cuiduba ichamonaetha pomonaetha pomonae ichipa beta exana, xua barapomonae abe peexanaenexa”, ba jei barapo diwesiyo. ³⁴ Equeicha caewa paexande po juntu coyene xua bichocono Nacom tsita xanepanatsi. Painya xoba equeicha abe paexaname. Ichamonae paxam jiwana pam jopa Nacom yaputaetsi. Baxua paca tsipaebatsi xua painya neauranexa.

Meje po coyeneya xua Nacom exanaena poxonae jiwí equeicha asu exanaeinchi peturae cuiru coyene weya

³⁵ Metha ichan yainyabina, jei tsane: “¿Eta po coyeneya Nacom exanaena poxonae pewerapaewi equeicha asu exanaeinchi? ¿Eta pocotsi pepon barapomonae xeinaena?” jei tsane. ³⁶ Barapo peyainyabiwa saya pejumexaei. Poxonae paubame peubi xuto, barapo xuto burana bocareca iratha xua pexu nantafobabinexa poxonae xua nae pexuwinexa. ³⁷ Poxonae paubame jopa apara pepaboto paubim xua pepa nae pexuwinexa. Jame

apara ba pexu paubame, metha beya xua trigo xuto tsipae, ichacuiha metha icha pexuton tsipaeno. ³⁸ Cotacaya Nacom exana xua barapo pexu xuwa icha be pocotsi coyeneya Nacom ichichipa. Daxita peubi xuton tsanaya seicaya pia cui barompa poxonae xuwa. ³⁹ Barichi jiwi pepon daxita jopa najupaeyo. Jiwi pia pepon seicaya tsanaya barompa. Duwei unupiwi pia pepon seicaya tsanaya barompa. Duwei menepiwi seicaya pia pepon tsanaya barompa. Pepupunaewi seicaya pia pepon tsanaya barompa. ⁴⁰ Peitabocotha xeina ainya pepon po ainya pepon peitabocotha pejinompaewi nexa. Barichi barapo irathe xeina ainya pepon pomonae barapo irathe pejinompaewi nexa. Po pepon pexeinya peitupanae coicha xeina xua peitabocotha jinompa barapo pepon bichocono pexeinya pepon. Barichi wapepon pexeinya pepon po pepon xeinatsi po cae pin nacuathē. ⁴¹ Xometo poto atsato pia pexeinya peitupanae coicha barompa. Barichi jomocoichato pia peitupanae coicha barompa. Opiteino pia peitupanae coicha barompa. Icha opitei pia peitupanae coicha jopa nacoicha jupaeyo icha opiteitontha po opiteiton pia peitupanae coicha xeina. ⁴² Barapocotsi juta coyeneya ichi pomonae xua equeicha asu exanatsi petupae cuiru coyene weya. Poxonae pomonae pewerapaewi iratha mathucatsi equeicha caewa tsorobo naexana petsabanaexae. Barapoxonae equeicha Nacom asu exanaena pena pepon xua petsitecaenexa. Barapo pena pepon bapana jopa tupaē tsane equeicha, jopa petsabanaexae tsane. ⁴³ Barapo

peru pepon jopa xeinaeyo peitupanae coicha poxonae muthutha xotsi. Ichitha jame barapo pena pepon xeina pexeinya peitupanae coicha. Barapo peru pepon jopa xeinaeyo peasuwa poxonae muthutha boca. Ichitha jame barapo pena pepon xeina peasuwa. ⁴⁴ Barapo peru pepon saya barapo cae pin nacuathe nexa. Daxota poxonae tupa, tsabana naexana, tsorobo equeicha caewa penaexanaenexa. Ichitha poxonae barapo pepon asu exanaeinchi, bapoxonae pena pepon naexanaena pejumope tunaxu nexa xua Nacom pia nacuatha peponaenexa. Icha jiwi xeina peru pepon xua barapo cae pin nacuathe nexa, barichi pena pepon xeinaena xua Nacom pia nacuatheicha nexa.

⁴⁵ Nacom Pejume Diwesitha jeye: “Po jiton copiya Nacom forota, bapon Adán. Bapon peasuwa xeina xua pepoponaenexa barapo cae pin nacuathe”, jei Nacom. Ichitha Cristo Adán bichocono toxeincha ainya cuichi equeicha caewa asu peexanaexaetsi. Daxota bapon Cristo itacupatsi xua ichamonaetha cana exana xua pexeinaewa peajuntuyarusuwa xua po peajuntuyarusuwa ataya tsiteca. ⁴⁶ Copiya jopa xeinaetsi po pepon Nacom pia nacuatha nexa. Saya copiya xeinatsi po pepon barapo cae pin nacuathe nexa. Ichitha cotacaya bexa tsane xeinaeinchi po pepon pena pepon Nacom pia nacuatha nexa. ⁴⁷ Po jiton copiya exanatsi, pon tsorobo weya exanatsi, bara bapon apara saya barapo cae pin nacuathe nexa. Po jiton xua cotacaya patopa bapon apara Cristo pon itaboco wepatopeica. ⁴⁸ Po jiwi xua barapo

nacuathe jinompe pia pepon exanatsi icha Adán ichichi xua pia pepon tso robo weya exanatsi. Ichitha pomonae Jesucristo piamonae tatsixae barapomonae xeinaena pepon icha ichi xua pocotsi pepon xeina Cristo, pon xua itaboco wetsica pona. ⁴⁹ Anoxuae wapepon werapaena icha Adán pia pepon tatsi ichi xua bayatha tupa. Ichitha poxonae Nacom pia nacuathe patinchi wapepon xeinaeinchi pocotsi pepon icha Cristo pia pepon tatsi ichi xua pexeinya peitupanae coicha xeina.

⁵⁰ Tamonae pam paxam pomonae iru painya nejume cowantsiwixae Jesucristo, yabara paca tsipaebatsi po pepon yawa jinompatsi. Barapo pepon jopa naca itacupaeyo xua wayawa patsiwa Nacom pia peitorobi nacuatheicha xua ataya tsitecaeya wajinompaenexa tsane, tsipei barapo pepon tupa. ⁵¹ Paca tsipaebatsi pocotsiwa xua namicha xua jiwi jopa yabara yaputaeyo xua Nacom moya yawun xeina. Daxita pomonae waxainchi jiwanatsi jopa weraweracae tsainchi xua ataya tsane. Ichitha daxita waxainchi xeinaeinchi icha pepon. ⁵² Poxonae trompeta matawun asiya obina xua poxonae Nacom daxita wetsina, bapoxonae Nacom jemeicha nainya asu exanaena pomonae pewerapaewi pomonae pejume cowantsiwixae Cristo. Baxua nainya exanaena icha be pocotsi jata coyeneya ichi poxonae jiton nainya naichaquetabiya necotaba. Pewerapaewi asu exanaeinchi xua equeicha bapana jopa peweraweracaenexa tsane. Bapoxonae waxainchi pomonaetsi cataunxae jinompatsi nainya icha pena pepon

xeinaeinchi. ⁵³ Wapepon po pepon tsorobo weya naexana bewa naexanaena icha pepon xua jopa weraweraca exanaetsi. Wapepon xua itacɥpatsi xua pewerapaewa, bewa pepon naexanaena po pepon xua jopa werapaeyo. ⁵⁴⁻⁵⁵ Wapepon xua weraweracaena Nacom equeicha asu exanaena pena pepon po pepon jopa weraweracae tsane. Poxonae baxua exanaena jopa weraweracaeyo. Yawa barapo pepon itacɥpatsi xua werapa ichitha barapo pepon naexanaena po pepon xua jopa werapaeyo. Bapoxonae baxua nayabara jume cui weta xua exana pocotsiwa bayatha Nacom Pejume Diwesitha tsiwɥnae yabara muxu duta. Nacom Pejume Diwesitha jeye: “Poxonae Nacom pena pepon cana exanaena piamonae, bapoxonae Nacom amanayabina pontha pon jiwi tɥpa peexanaein”, jei Nacom Pejume Diwesitha. ⁵⁶ Pocotsiwa xua naca amanayaba, apara xua wawerapaewa abeya waexanaexae. Pomonae exanaetha pocotsiwa Moisés pia peitorobi coyenewatha itoroba, barapomonae awiya werapa poxoru barapomonae awiya abe peexanaexae. ⁵⁷ Paxan pajan Nacomtha: “Nacom, maisa pajɥntɥ coyene weiweinan xua pata tanecatsiwam jinya neayapusu itorobi coyenewa pata amanayabinexa abe peexanae cuiru coyenein. Barapo coyene pana catame xua poxonae Jesucristo pon pata Necanamataxeinaein naetotha pata tana tsitɥpaexae”, pajan.

⁵⁸ Tamonae pam, paxam pomonae tapaca caantobe jiwichi pam. Painya neamanayabixae abe painya neexanae cuiru coyenein, pana

najuntũ ayapusũ exande Nacomtha. Painya xoba payabara cui copatame xua bara ichamonae paca cana exanaena xua icha coyeneya painya neexanaewa tsane. Ataya beta panacuita dubenanaebiyama Nacom nexa. Tsipei paxam payaputaneme po penacuichiwa Nacom pata tanacuita dubenanaebiyame, bara Nacom tsita xanepanatsi.

16

Meje xua Pablo paratixi yabara paeba po paratixi jiwi catsiba ichamonaetha pomonaetha pomonae pejume cowantsiwi Nacom

¹ Yabara paca tsipaebatsi paratixi po paratixi penacaetutsimonae jehebapona ichamonae nexa pomonae pejume cowantsiwi Nacom. Paexande icha pomonae penacaetutsi jiwimonae ichi xua exana pocotsiwa itoroban pomonae Galacia nacuamonaepiwi. ² Daxita domingo wun matacabintha paxam daxita barompaya painya paratixi pajiwana wetsabiya pajehebaponaename pocotsi matoma pana busi matoma xeineibame. Pomonae pin matoman nabusi matoma xeineiba bewa ainya paratixi jehebaponaena. Pomonae tsiqui matomaxi nabusi matoma xeineiba bewa cae paratixi jehebaponaena. Abũ paratixi pajebare xua jopa painya neexanaewa tsane baraxua xua poxonae equeicha patopaein. ³ Poxonae patopaein bapoxonae paitapetsiname pebiwi po pebiwi pecaponaenexa carta. Barapo pebiwi Jerusalén tomara beya caitorobin carta. Barapomonae carta caponaena yawa muxuna caponaena paratixi po paratixi pajehebaponaename

Jerusalén tomarapiwi nexa pomonae pejume cowantsiwi Nacom. ⁴ Icha nanta xeinaein xua yapu wnaein paratixi penawichixae metha moya bara ponaetsipan Jerusalén tomara beya. Baroxonae barapomonae nepuna ponaena.

Meje xua Pablo yabara nanta xeina, xua pe-warapaewa tsane

⁵ Poxonae ponaein, bewa Macedonia nacua iyan tsane. Baroxonae cotacaya paca siwa ponaeinchi Corinto tomaratha. ⁶ Metha beya paca baru ecaetsipatsi be caentacabiyobetha. Ichacuitha metha poxonae awubo paca baru ecaetsipatsi. Baroxonae poxonae weta xua awubo, paca itacupa xua pata neyawenaewam pocotsiwa nantawenonan poxonae warapaein icha tomara beya. ⁷ Jopa ichipaeinyo xua saya bara caetha tapaca siwa ponaewatsi. Jame ichichipan xua be pecono daepayobe tapaca baru ecaewatsi tsainchi poxonae patopaein. Baxua exanaein icha Nacom baxua inta copatsina. ⁸ Ecan xote Efeso tomaratha beya poxonae matabi jopaena po matabi pewan Pentecostés. Barapo matabi po matabi jiwu yabara jantanaina xua poxonae matha Nacom pia Pejumope tñaxu tatsi patopa penacaetutsi jiwuitha pomonaetha pomonae pejume cowantsiwi. ⁹ Anoxuae neitacupa xua bichocono tatanacuichiwa Nacom xua jiwu pinmonae pejume cowantsinexa barapo tomaratha. Ichitha ayei jiwu ichichipa abe necana exana xua jopa taexanaenexa tsane.

¹⁰ Icha Timoteo patopaena painya xantha, pantenta weyataema xua bapon jñntema

pepoponaenexa painya xantha. Baxua pata exande poxoru bapon exana pocotsiwa Nacom ichichipa, icha xan ichin xua exanan pocotsiwa Nacom ichichipa. ¹¹ Daxita paxam jopa payabara jande: “Apara bapon Timoteo pewowin, jopa apara peyaputaen”, jopa payabara jande. Jame maisa bapon payawende xua equeicha juntea caewa peponaenexa taxainya berena. Baxua paexande tsipei xan iru ichamonae pomonae iru pejume cowantsiwixae Jesucristo, panabaru wunaewatan bapon xua Timoteo paewatan.

¹² Apolos pon iru pejume cowantsin matowa tsi-paeban xua painya nepaca cataenexa xua bapon pecueyabinexa tsainchi ichamonae pomonae iru pejume cowantsiwixae Jesucristo. Ichitha bapon nanta xeina xua anoxuae jopa yapu jupaetsi xua peponaewa tsane xua painya nepaca siwa pon-aewa. Bapon ponaena ichitha poxonae tayapu jupaenchi.

Meje poxona Pablo najume wetsiya paeba

¹³ Dota pam, pomonae xua abe pacata exana. Beta paajuntusuya pajume cowanta dubenanaebiyama. Paexana dubenanaebiyama icha pebiwi ichi xua jopa cunuwiya exana dubenanaebiyaeyo xua beta peexanaewa. ¹⁴ Daxita pocotsiwan xua paexaneibame, peantobe coyeneyatha paexaneibare ichamonaetha.

¹⁵ Tamonae pam, paxam pomonae iru painya nejume cowantsiwixae Jesucristo. Paxam payaputaneme xua Estéfanos piamonae tatsi copiya jume cowanta Jesucristo Acaya nacuatha. Barapomonae bichocono yawena ichamonaetha

pomonaetha pomonae iru pejume cowantsi jiwí Nacom. ¹⁶ Paca tsipaebatsi xua paxam xuya paexana dubenanaebiyama pocotsiwan barapomonae paca itoroba. Pabarü nacuire barapomonae xuano ichamonae iru pabarü nacuitame pomonae jupaeya exana icha barapomonae ichi. ¹⁷ Maisa bichocono juntu coyene weiweinan xua Estéfanos iru Fortunato iru Acaico xote pate. Barapomonae inta exana pocotsiwa jopa paca itacupaeyo xua painta exaname xua jopa xote tapaca baru ecaexaetsi. ¹⁸ Barapomonae nejuntu cui coyene tsacaba exana xua xaniwaicha tapoponaenexa Nacom nexa. Barichi iru baxua pacata exana. Beta paweyataename barapocotsi jiwimonae.

¹⁹ Pomonae penacaetutsimonaepiwi, pomonae pejume cowantsiwi Nacom, pomonae Asia nacuaetha jinompa, barapomonae paca jacoba. Aquila iru piowa tatsi Prisca, iru pomonae petanacaetutsi dubenanaebiyae jiwichi pia botha tatsi, barapomonae bichocono paca jacoba peantobe jiwixae xua peantobexaetsi pon jiwí Pecanamataxeinaein. ²⁰ Daxita pomonae pejume cowantsiwixae Cristo pomonae xote jinompe daxita paca jacoba. Betiya painta nantiya pana najacobare painya neantobewaxae Cristo.

²¹ Xan Pablon pacata tinatsi po diwesiyo xua cotacaya opi ducua. Yatsicaya tacoutha tacobe couya pacata tinatsi tapaca jacobinexatsi.

²² Icha ichun jopa Jesucristo antobetsi pon jiwí Pecanamataxeinaein barabü Nacom itawetsina pexainya weya, xua bapon be pon abe peexanae

jiton tsane. ¡Xam ponxaem Pata Necanamataxeinaem nainya antha patopare!

²³ Barab_u Jesucristo pon jiwi Pecanamataxeinaein paca yawenaena pia paca nepaca caantobewaxae xua xanepanaya painya nejinompaenexa. ²⁴ Daxita paxam pacata itorobatsi po coyene xua tapaca caantobe coyenewatsi taantobewaxae Cristo Jesús.

Baja Pablo.

**Nacom Pejume Diwesi po diwesi pena jume
diwesi xua Jesucristo yabara tinatsi
New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022
e9c4c3a0-6dec-54a4-aaba-fb395e5eddc7